

四庫全書

史部

欽定四庫全書

史部  
史纂通要卷一至三

詳校官國子監司業臣納麟寶

編修臣程嘉謨覆勘

總校官檢討臣何思鈞

校對官編修臣裴謙

謄錄監生臣孟起疆

欽定四庫全書

史部十五

十七史纂古今通要

史評類

提要

臣等謹案十七史纂古今通要十七卷元胡

一桂撰一桂有易本義附錄纂疏已著錄是

書自三皇以迄五代裒集史事附以論斷前

有大德壬寅自序并地理世系等十三圖錢

曾讀書敏求記曰宋以來論史家汗牛充棟

率多龐雜可議以其不討論之過也此書議  
論頗精允絕非宋儒隔見者可比一覽令人  
於古今興亡理治了然曾次朱子稱稽古錄  
其言如桑麻菽粟小兒六經了好令讀去予  
於此亦云其推許是書甚至至議其當從資  
治通鑑帝魏不當從朱子綱目帝蜀則又以  
久經論定之事務持異議以駭聽不足為一  
桂病也能禾勿軒集有胡庭芳史纂通要前



序即為此書而作庭芳一桂字也其稱史纂  
通要省文耳此本不載禾序殆偶佚歟乾隆  
四十六年十月恭校上

總纂官

臣紀昀  
臣陸錫熊  
臣孫士毅

總校官  
臣陸費墀

欽定四庫全書

提要

欽定四庫全書

史纂通要卷一

元 胡一桂 撰

三皇總論

三皇之號昉於周禮外史掌三皇五帝之書

周禮註云楚靈王所

謂三墳五典是也

而不指其名其次則見於秦博士有天皇地

皇人皇之議

史記秦初并天下令議尊號丞相綰御史大夫劫廷尉斯與博士等議曰古有天皇

地皇泰皇唐司馬貞素隱謂泰皇當作人皇今從之

秦去古未遠意三皇之稱此

或庶幾焉漢孔安國書序乃始以伏羲神農黃帝為三皇少昊顓頊高辛堯舜為五帝不知果何所本蓋孔子

於家語自伏羲以下皆稱曰帝

家語有宰我問五帝德季康子問五帝二篇或

疑家語非孔子書恐不可以為據然亦嘗思之矣西漢去夫子未遠太史公明言孔子所傳宰予問五帝德史記又多引用五帝篇語固已信之況大戴禮亦有五帝德篇又與家語合縱家語未必真夫子書而皇與帝名稱自不可雜也易大傳春秋內外傳有黃帝炎帝之稱

易下繫稱黃帝

春秋內傳左氏傳外傳國語皆有炎帝黃帝之稱

呂氏月令雖不可為據然有

曰帝太昊帝炎帝黃帝亦足以表先秦未嘗以伏羲

神農黃帝為三皇也至宋五峯胡氏直斷以孔子易大傳以伏羲神農黃帝堯舜為五帝不信傳而信經其論始定然三皇之號不可泯也則亦以天皇地皇人皇言之但此三者本無所稽意混茫初開先有天而後有地既有天地則氣化而人生焉皇極經世書以元經會所謂天關於子地關於丑人生於寅至寅始為開物之初意三皇之號由此而稱而所謂三墳者亦必因文籍既生之後述上古之事而有是書天抵鴻荒闊遠不可得

欽定四庫全書

史記卷一

而詳矣

索隱三皇補紀曰天皇氏兄弟十二人地皇氏兄弟十一人一人皇氏兄弟九人皆分掌九州然

亦不知其何所據今姑附注以俟觀覽大紀又謂人皇後有有巢氏教民構木為櫓巢夏暑居之穴地為營窟冬寒居之未知稼穡食草木之食未有火化飲禽獸之血而茹其毛先取其皮蔽前後取而蔽後又有燧人氏始教民出火民未知衣服夏多積薪冬則煬之未有烹炮飲血而茹腥始教之燔炙後世聖人遂有鑽燧改火之法

况夫子於書首唐虞於易首伏羲伏羲以前皆未嘗道闕之可也胡氏曰鴻荒之時亦猶日之夜月之晦時之冬馬生消升降終而復始於穆天命不已而成四時之造化於皇羣聖體是以為三綱之禮樂事本乎道道

藏於事天生人人成天三皇尸其體五帝妙其用禹湯  
文武成其功孔子孟軻傳其學軻之死雖未有得其傳  
者惟皇上帝降衷于下民若有恆性何莫由斯道也

此下

只稱胡氏曰者  
並除五峯大紀

### 五帝總論

天地肇判邃古遐邇厥詳曷聞孔子定書斷自唐虞他  
經則自周禮外惟易繫辭傳稱古者包羲氏王天下包  
羲氏沒神農氏作神農氏沒黃帝堯舜氏作如斯而已

家語記孔子答宰我問五帝德

家語五帝德篇答宰我問黃帝顓頊帝嚳帝堯

帝 舜 答季康子問五帝

家語五帝篇答季康子問大昊配木炎帝配火黃帝配土少昊配金

顓頊 及春秋內外傳於黃帝堯舜間又有少昊顓頊帝

嚳馬大戴禮亦有五帝德篇又帝世皆叙自黃帝次顓

頊高辛堯舜 見司馬索隱 與宰我所問合司馬氏史記紀五

帝又與大戴禮宰我所問合意其本此二書也然皆缺

而未備 黃帝而上缺伏羲神農黃帝而下缺少昊不書 善乎胡氏之論曰皇者

初冒天下者也帝者主宰天下者也自燧人而上即三



皇之世也包羲神農黃帝堯舜是五君者有先天地開闢之仁後天地制作之義民到于今受其賜故孔子稱之黃帝之後少昊顓頊高辛雖嘗帝天下孔子所以越而遺之必稱堯舜者以三君居位僅可持其世而已未嘗有制作貽萬世故也則五帝之名實定矣今愚本之易參之胡氏以定五帝之世亦庶幾仲尼之意云耳

### 伏羲

帝太昊伏羲氏

帝王世紀風姓母華胥

成紀人也以木德繼天而

王

求語古之王者易代改號取法五行更旺相生先起於木太昊首以木德王天下索隱木德春今故易稱

帝出乎震月令孟

都宛丘

今陳州太昊之墟

生而神明德合天

春其帝太昊是也

地其王天下也河出圖洛出書則而畫之始作八卦以

通神明之德以類萬物之情因而重之為六十有四又

幽贊於神明而生蓍參天兩地而倚數觀變於陰陽而

立卦

見易下繫說卦

教民決嫌疑定猶豫使不迷於吉凶悔吝

之塗蓋非特為萬世文字之祖

朱子語錄

實開物成務之學

也造化之秘泄於此聖道之統亦始於此矣

陳樸壽翁增廣通畧

又因龍圖之瑞以龍紀官故為龍師而龍名

左昭十七年百官師

皆以龍紀名號後同

教民佃漁

佃音田獵也

以罔罟為器教民婚姻以

儷皮為禮

伉儷之義雙也

又教民豢養六畜

馬牛羊豕雞犬

以充庖厨

且以為犧牲享神祇故號伏羲氏亦號包羲氏焉

在位一百

十按胡氏曰世傳伏羲沒女弟女媧襲據尊位循帝年之迹無所草造始制笙簧號女帝女媧後又有驪連粟陸中央栢皇大庭赫胥尊盧啓統昊英朱襄葛天陰康無懷一十三代皆祖包羲此夫子所不道故不具載姑附見於此又按自伏羲至帝嚳所稱年皆不可詳姑記之

### 神農

炎帝神農氏

世紀姜姓長姜水故姓自黃帝始則羲農姓未可據姑存之母女登少典正妃遊華

山感龍首而生帝

火德王

家語

都曲阜

魯邑

有火瑞以火紀故為火

師而火名斲木為耜揉木為耒以教天下之耕日中為

市致天下之民聚天下之貨交易而退各得其所

易下繫辭

此後世農商所由起而斯民生養之具畧備矣

增廣通畧又

嘗百草以有醫藥而濟其疾疾作五絃之琴以詠豐年

之歌

大紀

帝崩號曰神農氏焉

在位百四十年

按司馬貞補紀謂神農氏後又

有帝臨魁帝承帝明帝立帝來帝哀帝榆罔通八代五百三十年軒轅興大紀同亦天子所不道附見於此云

黃帝

黃帝有熊氏姓公孫

史記云名軒轅

有熊國君少典之子

世紀母附

寶索隱云長於姬水改姓姬居軒轅之丘因以為名有熊河南新鄭是也

都軒轅之丘以土

德王

家語索隱黃龍地蟻見土精大五六圍蟻音引

帝生而神靈弱而能言幼

而狗齊

狗疾齊連

長而敦敏成而聰明于時神農氏世衰

後世

世神農氏也恐非一君其後世皆稱炎帝司馬貞有八代之說然國語又謂少典娶有媧氏生炎帝黃帝二帝用師以相濟則是兄弟爭國也皆不可詳矣姑記之

炎帝侵陵諸侯蚩尤

諸侯肆為

強暴軒轅修德治兵三戰而後勝炎帝於阪泉殺蚩尤

於涿鹿

燕山路涿州

諸侯歸之推軒轅代神農為天子是為

黃帝帝披山通道未嘗寧居東至于海

登九山及岱宗

西至于

崆峒

山名又登隴西雞頭山

南至于江

登熊湘在長沙

北逐薰鬻

北蠻合符

釜山

會諸侯

邑于涿鹿之阿遷徙無常以兵師為營衛有

雲瑞故其紀官也為雲師而雲名舉風后力牧常先大

鴻以當輔佐

鄭玄云風后三公力牧相大鴻鬼史區號佐也

命大撓作甲子

撓奴

救反探五行之情又占斗網所建始作甲子

容成造厯隸首理算數伶倫造

律呂史區占星氣容成兼而總之

外紀

六術之中律厯為

要歷以斗柄建寅春正月為歲首律以黃鍾之宮聲發於自然為十二律之本度量衡之所由出三者合律然後措之天下田可分祿可均禮可制樂可作故律也者

萬事根本也又建左右史官以紀言動蒼頡沮誦實當

其任始作鳥跡篆謂之曰字

大紀蒼頡沮誦見鳥獸跡作鳥跡篆其文依類象

形而生故謂之曰字

帝又上觀天文大明時令乃周行天下以觀

地理畫野分州立步制畝以防不足使八家為井井開四道而分八宅鑿井於中以均生產塞欺陵弭闔訟

本紀

又濟以舟楫導以服牛乘馬門柝杵白弧矢宮室棺槨  
書契罔不畢備

易

夫然後制軒冕別章服使知貴賤有

等上下有序各安其分焉其通變而使不倦神化而使

民宜垂衣裳而天下治者如此至和氤氳羣生安樂鳳

凰巢阿閣麒麟遊于郊

大紀

盛矣哉五帝之世也帝四妃

二十五子得姓者十有四人為十二姓

姪酉祈已滕箴  
任荀嬉媧倮休

生人以來得姓之始實由於此自今觀之伏羲神農二

聖人去洪荒之世未遠也其風猶為朴畧至黃帝之世



實為文明之漸故昔之穴居野處者今始有宮室昔之  
污樽抔飲者今始有什器昔之結繩而治者今始有書  
契文字昔之皮革蔽體者今始有冠冕章服其諸制器  
利用難以枚舉駸駸乎非復前日朴野之俗矣胡氏曰  
是謂德配天地道之至也制度之經也德澤流天下至  
于今人蒙其惠雖死猶生也後世乃傳帝得僊術騎龍  
升天者真妖妄矣旨哉言乎

在位一  
百年

少皞

少皞金天氏姬姓黃帝次子

世紀謂玄囂繼黃帝立即少皞金天氏亦曰青陽氏

母曰女節以金德王故號金天氏能修太皞之法象日月之

明故又號曰少皞氏

大紀

都曲阜少皞之立也鳳鳥適至

故紀於鳥為鳥師而鳥名

左氏

又以鳳知天時立鳳鳥氏

為歷正

大紀

少皞氏衰九黎亂德天下之人相懼以神相

惑以怪家為巫史民瀆于祀灾禍薦至胡氏曰邪說之  
為人害也久矣以五帝之時九黎猶亂風教矧漢以來  
聖學絕滅世衰一世在上之人苟且僥倖功成而氣盈

利得而志怠崇尚勢力而不知仁義者乎故釋氏巫祝  
得以其說誑惑斯民為之薦死求生祈福免禍天下靡  
然從之在上者恬然不復知禮制刑賞之本在下者安  
然不復知正身修行之實鬼教浮虛之言徧天下風俗  
既移孰能不外飾事君之禮內懷背上之心志在伏節  
死義以三綱為己任臨事不苟免乎

顓頊

顓頊高陽氏姬姓黃帝之孫昌意之子

家語世紀  
云母女

以水

德王都帝丘

家語 衛今濮陽後徙高陽稱高陽氏

顓頊以來官師不能遠

紀乃紀於近為民師而命以民事

左

氏帝淵靜而有謀疏

通而知遠養材以任地履時以象天依鬼神以制義治

氣以教化潔誠以祭祀北至幽陵南至交趾西至流沙

東至蟠木

地理志流沙在張掖居延縣海外經東海中有山名度索上有大桃樹蟠屈三千里

靜之物小大之神日月所照莫不砥屬

史記

蓋自少皞之

衰神民雜揉帝命南正重司天以屬神

少皞子

北正黎司

地以屬民

高陽氏子後帝學使黎并掌重職賜氏祝融辛弟吳回嗣位

絕地天通使

無相侵瀆革九黎之亂神人不雜萬物有序民安其生

焉

在位七十八年

### 帝嚳

帝嚳高辛氏姬姓黃帝曾孫玄囂之孫蟠極之子

史記世紀

云帝生而駢齒張晏云高陽高辛以所以木德王都亳

興地名號顛頊帝嚳以字號上古質也  
偃師是今河南生而神異自言其名聰以知遠明以察微順天

之義知民之急仁而威惠而信修身而天下服取地之財而節用之撫教萬民而利誨之厯日月而迎送之明

鬼神而敬事之其色郁郁其德嶷嶷索隱郁郁猶穆穆嶷嶷高也其

動也時其服也士索隱服士服言公且廉也執中而徧天下日月所

照風雨所至莫不服從史記帝四妃元妃有邠氏女曰姜

嫫與帝禋祀上帝而生稷陳鋒氏女曰慶都有赤龍之

祥孕十四月而生堯於丹陵有娥氏女曰簡狄祈于高

禠有飛燕之祥而生契媿訾氏女曰常儀生子贊帝崩

贊襲位未久而殂堯有聖德初封於陶後封於唐即位

是為帝堯帝嘗在位七十一年壽百五歲胡氏曰天地之間有氣化有

形化人之生雖以形相禪固天地之精也姜嫄克禋克  
祀以弗無子志之所至氣亦至焉氣之所至精亦至焉  
故若履天帝之武而敏歆其祀於是有子不可謂怪而  
諸儒不悟惑可知也至於識緯之書謂慶都感赤龍之  
精而生堯簡狄吞玄鳥之卵而生契則誣矣何者人也  
乃與繁氣交而生子則無是理矣是以載其事而削其  
詞焉西漢薄太后有蒼龍據腹之祥而生文帝若非史  
氏記之詳明則後世必謂薄與龍交而生子矣

高帝台  
薄姬幸

之姬曰昨暮夜妾夢蒼龍據吾腹高帝曰此貴證也吾為汝遂成之一幸生男是為文帝是故儒者

莫要於窮理明然後物格而知至知至然後意識而

心不亂

### 帝堯

夫子定書斷自唐虞以下迄于周於是論二帝三王之

治者始有所根據帝堯陶唐氏帝嚳子姓伊祈史記堯名放勳

舜名重華禹名文命以火德都平陽今晉州年十六以唐侯即位卽氏皇

先儒皆辨其非是極經世書元年甲辰七十二載壽百歲按以從紀年係並用卽氏云書稱其德曰欽明文



思安安者帝之心法也曰允恭克讓者帝之身法也欽  
存於中恭見於外敬為聖學始終之要也不但是也克  
明俊德以親九族則身修而家齊矣九族既睦平章百  
姓則家齊而國治矣百姓昭明協和萬邦則國治而天  
下平矣聖經明德二字實自堯發之大學八條亦始於  
此又不但是也中者天下之大本事事物物莫不有一  
中道舉天下以與人大事也而授受之際不過曰允執  
厥中而已聖經中之為義亦自堯發之中庸九經亦始

於此然則開千萬世聖學之源者堯之功顧不鉅乎仲尼祖述堯舜韓子所謂堯以是道傳之舜禹湯文武周公孔子者即此是也道散於三極之間所望於聖人者裁成天地之道以立人極云耳洪荒之世氣浮而為天者不過茫茫一太虛耳固未有度數之分黃帝顓頊雖云造厯蓋未詳也至帝始命羲和分掌天地四時於是推步之法愈密日月星辰之麗於天者始則而象之歲分為四時又分為十二月又分為三百六十日因其氣

盈朔虛又為置閏以應周天之度於是天道可得而成  
矣質疑為地者亦不過茫茫一塊土耳固未有疆理之  
別也黃帝雖曰分州畫埜亦未詳也至帝始咨四岳舉  
其能治水者以拯斯民墊溺一朝之命絲不能治而禹  
繼之其施功之最難者莫如冀壺口龍門等處此蓋混  
沌初分水未有洶積之歲久衝決奔放愈甚則懷襄之  
害愈烈禹因其勢䟽鑿而順導之若其次第則先青兗  
徐揚之下流而荆豫梁雍以次底績弼成五服自甸侯

至綏而封建之制以立咸則三壤自畎澮至川而井田之法以成於是地道可得而平矣自羲農黃帝開物成務之後又適當一元文明之會風氣駸開勅制立法維其時也典中所載若時若采二節尤有可得而論者若

時登庸此蓋欲舉而受之以登庸之大任也

亦猶舜之微庸禹之

奮庸百揆之任也

疇咨之舉不以屬之他人而以屬嗣子丹朱

蓋可見矣若采雖非若時之比書曰亮采曰載采采蓋亦著於其事而有光華者也孔子曰巍巍乎其有成功

煥乎其有文章其此之謂矣疇咨之舉獨以屬之共工  
必其人之有勗法立制之能也此二職者一居道揆以  
論建於上一居法守以奉行於下二職舉而天下之能  
事畢矣然天下之治得人固難知人尤難一曰嚚訟一  
曰象恭帝之見則明矣而卒無以當其選者直至七十  
載遜位之時始得其人曰虞舜舜又薦禹得益稷臯陶  
諸人以佐之考其事大抵皆在舜歷試之後攝政之時  
八元八凱之舉四凶四罪之去與夫治水征苗又其事

之最著者也五典敦五禮庸五服章五刑用法度禮樂

彰彰然著明如日月行天亘古常見此又立人之道以

參贊天地化育之所不及者蓋萬世之功也

此篇係熊去非書說

舜既即位封堯後於唐而為虞賓

外紀封丹朱於實沈之墟以奉其先祀

見天子

### 帝舜

帝舜有虞氏姓姚黃帝之後自昌意至舜七世

史記重華父瞽

瞽瞍瞽父橋牛橋牛父句望句望父敬康敬康父窮蟬窮蟬父顓頊顓頊父昌意昌意黃帝之子愚按史記帝

王世次昌意曾孫敬康與堯四從兄弟為舜高祖別舜為堯四世從孫與堯同時堯以二女嫁之是舜以曾祖姑為妻已若可疑又禹與堯亦四從兄弟舜亦禹四世從孫乃先授堯之天下而後授之禹又舜五世從孫乃姪五世從祖於羽山容齊洪氏亦言史記稱契十四世為湯棄十五世為文王湯與文王隔六百年為叔姪譏其無是理然則太史公帝王世紀恐未足據也

受堯禪以火德王都蒲阪

今河

元年丙辰在位六十一載

瞽子父頑母嚚象傲常欲殺舜舜克諧

以孝蒸蒸又不格姦耕于歷山

河東

歷山皆讓畔漁于雷

澤

雷夏

澤皆讓居陶于河濱

濟陰定陶陶立亭是

河濱器不苦窳

游甫反病也

二十以孝聞三十堯欲巽位于四岳四岳辭衆

咸薦舜堯曰我其試哉女于時觀厥刑于二女舜內行  
彌謹釐降二女于媯汭瞽亦允若堯將使嗣位歷試諸  
艱命之司徒而五典以從命之百揆而百事以序命之四  
岳而四門穆穆納之大麓而烈風雷雨弗迷孟子所謂  
使之主事而事治主祭而神享者是也既歷三載堯以  
舜之言皆可底績遂命舜陟帝位舜讓不獲乃攝行天  
子事首察璣衡以齊七政歷象授時所當先也類上帝禋  
六宗望山川徧羣神攝位致告所當謹也五載一巡守



羣后四朝上下之情所當交通無間也仁以恤五刑之  
用義以斷四罪之誅而天下咸服矣薦禹司空往平水  
土又舉益稷以為之輔水土既平禽獸之害人者息人  
得平土而居之矣其疆理天下又有可言者禹之治水  
既已別為九州舜復析之為十二者蓋以冀之東北為  
幽西北為并青之正北為營蓋自古北狄為中國患此  
三州正係捍禦要害之地於此可見古人經制天下之

大畧矣

此意本熊去非書說大紀割青州碣石以北遼東之地為營州割冀州恒山以北燕薊之地為

幽州割冀州大行西北之地為并州南撫  
交趾西發氏羌北發山戎息慎東長島夷二十八載之

間真所謂巍巍乎其有成功也堯崩三年喪畢而後踐  
天子之位南面而治端拱無為責成於九官四岳十二  
牧二十二人命禹宅百揆以統之帝不過執其黜陟之  
權考其成功而已天下之廣萬事之衆初不以身親之  
也五十年間有天下而已若不與豈非其得為君之道  
若是乎居攝以前猶任臣道之勞即位以後可見君道  
之逸迨夫耄期之後禹攝位之時雖有征苗之事而班

師舞羽已為之來格蓋至於此德洽民心而有司不犯  
恩被動植至海隅蒼生盛矣哉太和之極也禹攝位十

有七年舜崩

蔡氏書傳云史記言舜巡守崩于蒼梧之野孟子云舜卒於鳴條未知孰是今零陵

九疑山有舜冢云

三年喪畢而後踐天子位封舜後於虞而作

賓焉蓋嘗觀堯舜禹三聖授受堯之命舜曰允執厥中

舜之命禹復益以三言者蓋以中之為道汨於人心之

危者易陷隱於道心之微者難明故必察之以精而不雜  
守之以一而不離則危者安微者著自無過不及之差信

能執乎此中則天下之大以之傳賢者此中也以之傳子者亦此中也推之而為湯武之放伐亦不外乎此中也此舜所以別白人心道心之危微而且誨之以精一用工之要者其慮至深遠矣吁精者明也即堯之所謂明德一者誠也即堯之所謂欽敬此十六字之傳為萬世心學之要曾謂聖聖相授徒恃勢位之尊土宇之廣云乎哉胡氏曰愚讀五帝書而後知聖人澤及斯民之遠也後世有立功於一時興利於一邦者人猶追思而

祀之是數聖人者有功於天下萬世曾不得推苗裔立  
宗子建廟庭春秋四時饗天下之報也有天下者端拱  
九重之內治其國家上之天文下之地理中之人倫衣  
食之原器用之利法度之章禮樂之則誰推明制作之  
也而忘之乎佛教之興駕一偏空說失事理之正而其  
神像乃得蟠據中華名山巍業相望又聽其雕梁畫棟  
羣淪滅三綱之人而恭養之此何道也其不耕不植侵  
漁民利耗蠹民財乃細事耳為政者恬不以為慮可悲

之甚矣

史纂通要卷一

欽定四庫全書

史纂通要卷二

元 胡一桂 撰

夏

夏禹姓姁黃帝玄孫祖顓頊父鯀

史記顓頊父昌意昌意父黃帝世紀母有

莘氏女曰志是為修己

受舜禪以金德王

家語

都安邑國號夏仍唐

虞以建寅之月為歲首

元年丁巳在位二十八年

初堯時洪水滔天

下民昏墊試鯀治水九載績用弗成舜攝位殛鯀羽山

命禹嗣父職舉益稷為之佐禹以司空治水益作虞掌

草木鳥獸棄后稷教民播種禹勞心焦思八年於外三

過其門而不入娶于塗山辛壬癸甲啟呱呱而泣禹弗

子惟荒度土功

塗山國名會稽山陰縣歷四日往治水後生啟過門不入惟以相度治水為急

陸行乘車水行乘船泥行乘橈

音莖板為之形如其擿行泥上

山行乘

橈

一作槁皆紀錄反以鐵如錐頭長半寸施履下以上山

首自帝都次充次青次

徐次揚次荆豫梁雍同九州宅四隩

四方深遠處可居

旅九山

旅祭山之名

滌九川陂九澤方其隨山刊木也則暨益奏庶



鮮食及其決九川距四海濬畎澮距川也

一畎之間廣尺深尺曰畎

方百里廣二尋深二

俛曰澮濬之至川則暨稷播奏庶艱食

書益稷篇於艱食下仍有

鮮食二字但暨稷只當言艱食鮮食疑衍文

於是別九州之分野差土田之

高下定貢賦之式度立封建井田之經界盡一時經制

生養斯民之道矣於是貢金九牧以鑄九鼎載所立九

州之制度以垂萬世

五峰胡氏曰左氏以為鼎者圖象百物而為之備使民知神姦也愚

切以為誣矣魑魅魍魎自古不以為天下患惟鄙夫鄙婦則或言之縉紳先生不道也王者協于上下以承天休乃以此為事而庸鑄之於鼎乎然則禹所鑄者何也始除洪水之害別九州之分野差土田之高下定貢賦

之式度立井田封建之經界盡一時生養斯民之道矣  
又鑄于鼎以為萬世準耳春秋之時晉鄭鑄刑書則知  
古人創立制度欲傳久遠者必於鼎矣昔箕子有言曰鯀堙洪水汨陳其

五行帝乃震怒不畀洪範九疇彝倫攸斁鯀則殛死禹  
乃嗣興天乃錫禹洪範九疇彝倫攸敘夫以水土既平

則九功修

和六府水火金木土穀三事  
正德利用厚生合為九功

九疇錫彝倫叙

天人之所關繫有如此者舜既受禪命禹宅百揆禹首  
進克艱惠迪之謨安止幾康之告至於傲慢好遊之戒  
凜凜乎為舜陳之真有憂治世而危明主之意勤于邦

儉于家舜之稱禹者不過切實之言予何言予思日孜  
孜禹之自述者初無過高之論然而不徒從事於議論  
之間而必有事功之實蓋可見矣舜老禪禹位曰天之  
歷數在汝躬汝終陟元后且致意於人心道心精一執  
中之傳禹拜稽首固辭帝曰毋惟汝諧乃受命攝行天  
子之事如舜之初舜崩三年喪畢禹遂即天子位任臯

陶伯益以國政

史記

縣鐘鼓磬鐸鞀以待四方之士

曰教寡人

以道者擊鼓諭

以義者擊鐘告以事者擊鐸

語以憂者擊磬有獄訟者擊鞀音桃淮南子建旌旗旂

旒以別尊卑等級

禹命奚仲為車  
正云云管子

興學校以重明倫之

教泣罪人而痛百姓之異心

出見罪人泣之曰堯舜之  
人皆以堯舜之心為心寡

人為君百姓各自以其  
心為心是以痛之說

絕旨酒而知後世以亡國

儀狄  
作酒

甘醪之絕旨酒曰後世  
必有以酒亡國者世本

會塗山而戮防風氏之後至

長狄

國見  
家語

今觀其紀綱典則闕石和鈞王府則有之歌

書五  
子之

歌禹之功厚德茂立極垂統為萬世準者至詳且備矣

後世觀河洛者思禹功見舞大夏者稱禹德盛矣哉不

可忘也

大夏禹  
樂名

末年東巡守至會稽而崩

壽一百歲家  
在會稽山

蓋嘗論之禹之傳於舜者心法授受一中而已天乃錫  
禹洪範九疇而皇極居五以一御八居中制外亦一中  
而已而吾夫子稱禹乃曰菲飲食而致孝于鬼神惡衣  
服而致美于黻冕卑宮室而盡力乎溝洫禹吾無間然  
矣何哉蓋中道之傳心法也吾夫子之論又指其孝心  
純至者言之也禹傷父以治水殛死故直以此自任卒  
之建立偉績克蓋前愆至於禘饗而郊鯨禹之心從可  
識矣故於宗廟則致其孝於祭服則致其美溝洫則盡

其力寧飲食之菲衣服之惡宮室之卑皆不敢暇顧者  
其心誠不忍一日安於天子之常奉故也夫豈矯情飾  
偽干譽沽名者之所為哉味吾夫子無間然之言其深  
有以識禹之心者乎吁孝也者天之經也地之義也民  
之行也中心仁愛誠敬之至也堯舜之道亦孝悌而已  
一孝立而萬善從之其於立功也乎何有禹崩啟遂繼  
世以有天下後世不傳賢而傳子實自此始王啟即位  
元年甲申  
在位九年  
有扈氏威侮五行怠棄三正  
扈國扶風鄠縣  
三正子丑寅之

正疑古  
已迭用

啟召六卿躬行天罰大戰于甘滅之有甘誓之

書享諸侯于鈞臺

潁昌府陽翟  
縣有鈞臺陂

天下咸朝夏后竊嘗疑

王啟嗣位之初何為遽有有扈氏之變也太史公謂啟  
征有扈不服唐孔氏謂堯舜受禪啟獨繼父以是不服  
今觀甘誓聲罪之辭不過曰威侮五行怠棄三正而已  
其不奉正朔之意可見也吁傳子之事固非出於禹之  
本心也天與之人與之啟不能以逃其責矣然天下之  
事才出於創見非耳目所常習者不能不起人疑叛之

心至重煩王師大戰而後滅之舜禹嗣位寧有是乎夫子定書而存此篇固見啟之奮發有為且著有扈氏不臣之罪而帝王升降之幾世變之一會從可識矣啟崩

太康立

啟子元年癸巳在位二十九年

以逸豫滅厥德黎民咸貳乃盤

遊無度畋于洛表十旬弗反有窮后羿

窮國名羿君名

距于河

而廢之厥弟五人作五子之歌以致其怨嘗觀禹之訓曰內作色荒外作禽荒甘酒嗜音峻宇雕墻有一於此未或不亡太康一犯禽荒之戒而竟以失邦皇祖之訓



豈欺我哉羿立太康弟仲康

元年壬戌在位十三年

身為之相仲

康肇位四海首命胤侯掌六師惟時羲和沈亂于酒遐棄厥司至於日食大變尚罔聞知王命胤侯往征之作胤征林氏曰羿廢太康而立仲康其篡乃在相之世是則仲康猶有以制之也羿之立仲康也方將執其禮樂征伐之權以號令天下而仲康即位之始即命胤侯掌六師以收其兵權羲和之罪雖曰沈亂于酒然黨惡於羿同惡相濟故胤侯承王命往征之以剪羿羽翼故終

仲康之世羿不得以逞使仲康盡失其權則羿之篡夏

豈待相而後敢耶王崩子王相立

元年乙亥在位二十七年

權已歸

羿相為羿所逐居商丘依同姓諸侯斟灌斟鄩氏羿恃

善射不修民事淫于原獸

好獵

棄武羅伯姻熊髡龍圉

子四

羿賢臣

而用寒浞浞伯明后寒之讒子弟也

寒國名伯明后寒奔浞于

夷羿

使相已浞行媚于內

宮人

施賂于外愚弄其民娛羿

于政外內咸服羿猶不悛將歸自政家衆殺而烹之夏

遺臣靡奔有鬲氏

國名

浞自立

壬寅浞篡是年少康生浞終辛巳共四十年

因

羿室生澆及豷使澆滅斟灌斟鄩氏殺后相處澆于過

處豷于戈

過戈二國名宋鄭間

后緡方娠

后王相

逃出自竇歸于有

仍

后緡仍國女

生少康為仍牧正

牧官正

澆使椒求之

椒澆臣

奔

有虞

商均所封之國

為之庖正虞君思妻之二姚而邑諸綸

虞邑

有田一成

方十里

衆一旅

五百人

能布德兆謀收夏衆撫其

官職靡自有禹收二國之燼

灌鄩遺民

以滅浞而立少康

元年

壬午在位二十二年

少康使臣女艾滅澆于過后杼滅豷于戈

王即

杼

也有窮遂亡

自王相至此並見左襄四年

少康崎嶇亂離之間復禹

亦還舊都祀夏配天不失舊物而有夏中興焉

此下增廣通畧

後之言中興者當自少康始少康其中興之賢君靡其中興之賢臣乎論夫羿浞之禍已無夏矣義黃堯舜以求相傳之正統其絕者蓋四十年區區庖正一成之地一旅之衆正復幾何患難顛沛瀕於殆者數矣而卒能復禹舊跡踐天子位豈惟正統所在非盜賊邪氣所可奸要亦為之君者有撥亂之志為之臣者有盡忠之節人事既盡能以天道為定命故能臻茲大業嗚呼少康

靡盬真人臣子哉雖然少康之有成也推原其故亦由  
虞君思之為也虞舜之後也一代之興則先代子孫賓  
于王家與國同其休感古人之慮蓋深遠矣後世得人  
之國則絕人之祀不知天道昭明禍亦反踵虞夏商周  
之祖若孫傳祚二千年其效斷可觀矣

熊去非  
書論

少康而

後杼

少康子元年甲辰在位十七年

槐

王杼子元年辛酉在位二十六年

芒

王槐子元年丁亥在

位十年泄

芒子元年乙巳在位十六年

不降

泄子元年辛酉在位五十九年

高

不降弟元年庚

申在位二十年十一

塵

高子元年辛巳在位二十一年

而

孔甲立

不降子元年壬寅在位卅一年

好鬼神事淫亂德衰諸侯多叛

時天降二龍有雌雄有劉累學擾龍得事孔甲

賜姓御龍氏龍一雌死潛醢以食夏后既而求龍劉懼遷于魯縣

又繼以皋

孔甲之子元年辛亥

在位十二年發

臯子元年甲申在位十九年

而履癸立是為桀

發子元年癸卯在位

五十二年賊人多殺曰桀

自孔甲以來諸侯多叛桀尤無道有力能

伸鐵鉤索滅德作威天下顛怨

顛音戰

伐有施氏有施人

以末喜女焉

末一作妹

嬖之為傾宮瑤臺酒池肉林池可運

船糟堤可望十里一鼓而牛飲者三千人末喜笑以為

樂殺直臣闕龍逢囚湯夏臺既而得釋湯乃與伊尹興

師伐桀戰于鳴條

安邑西

克之放于南巢

廬江六縣有居巢城桀奔此因

以放之也

天下歸殷矣人有常言曰五帝官天下三王家天

下官天下者定於立賢家天下者定於立嫡然孟子固已言禹薦益於天矣未嘗不以官天下為心也異時謳歌朝覲訟獄者乃不之益而之啟幸而啟賢能敬承繼禹之道啟之再傳則循習而以傳子為當然矣未幾太康失邦釀成羿浞之禍者四十年非繼以少康之賢禹之宗祀不其殆乎陵遲至於履癸極矣何則嫡之分因

前定也而嫡不能以必皆賢也天下生民之任則重也  
大君者天地父母宗子大臣則宗子之家相也師保之  
說昉於商書湯尹之所以汲汲焉旁求俊彥啟迪後人  
者其慮固深遠矣大抵天之生大聖大賢固不數其生  
大姦大惡亦不常見天下惟中才最多是以不可無教  
大甲成王固中才之主也非有伊尹周公則敗度敗禮  
者誰能使之改幼冲有過者又誰為之亢世子之法耶  
厥後二君卒能克紹前烈為商周之令王者夫豈其性



然哉學問之功大師保之責隆也三代而下昭烈孔明  
蓋知此道矣後主以闇弱之質孔明所以為之計慮者  
深矣微天奪孔明之速漢業猶可維持而未墜也雖然  
亦在其委任權力如何耳商家一代師保之任迄于其  
亡然以三仁之賢不能止商辛之暴則於此又將若之  
何哉後之有天下者立嫡既不可輕易則當慎擇師傅  
而早諭教之至於托孤受遺之際尤必重其任焉則庶  
乎其可矣

熊去非  
書論

夏有天下十七世四百五十八年

按

世書起丁巳終甲午通五十八年深墓四十年

殷

初號商後盤庚改殷

殷湯姓子名履以水德王

家語都亳

今南京殷熟縣為南亳即舊都孔安國曰

契父帝嚳都自契至湯八遷湯自商丘遷亳初契封商今商州後相上居商立今應天府

湯之先契

為之祖契父帝嚳母曰簡狄為嚳次妃生契佐禹治水

有功為司徒封於商賜姓子氏十三世為天乙是為成

湯

契昭明相上昌若曹園冥振微報丁報乙報丙主壬主癸天乙昭明至天乙十三世皆父子相繼湯即位

十七年踐天子位十三年崩壽百歲

自契至成湯八遷湯始居亳從先王

居

先王謂  
帝嚳

以七十里諸侯

契後世  
為諸侯

為夏方伯葛伯不祀

湯始征之

孟子曰湯居亳與葛為鄰地理  
志云葛今梁國寧陵之葛鄉

時伊尹有元

聖之德樂堯舜之道於畎畝之中湯三使往聘學焉而

後臣之任以國政倚為阿衡湯嘗薦伊尹于夏王伊尹

醜夏復歸于亳因說湯以伐夏救民之事桀殺直臣龍

逢衆庶莫敢言湯使人哭之桀怒囚湯夏臺已而得釋

湯出見野張網四面祝曰自天下四方皆入吾網湯曰

噫盡之矣乃去其三面祝曰欲左左欲右右不用命乃

入吾網漢南諸侯聞之曰湯德至矣及禽獸矣歸之者四十餘國桀無道益甚殘虐萬姓諸侯昆吾氏為亂伊尹相湯率諸侯伐昆吾遂伐桀諸侯共推湯為天子既即位以堯舜禹皆揖讓傳天下已獨以干戈得之有慙德曰予恐來世以台為口實仲虺作誥以釋其慙湯乃改正朔以建丑之月為歲首歲曰祀反桀之事必民以寬除其邪虐順民所喜遠近歸之然自伐夏之後大旱七年洛圻川竭煎沙爛石太史占之曰當以人禱湯曰

吾請自當剪髮斷爪身嬰白茅自為犧牲禱於桑林六  
事自責曰政不節歟民失職歟宮室崇歟婦謁盛歟苞  
苴行歟讒夫昌歟何不雨之極也言未既大雨方數千

里矣

通歷

當時初置二相以伊尹仲虺為之

通典

後之言三

代相業者伊尹蓋為稱首焉

增廣通畧

嘗讀孟子至三王四

事章所謂湯執中立賢無方者亦何取其義至於窮夜  
旦之所思而汲汲若是乎蓋嘗攷之虞夏用人不過一  
二世族而已傳稱八元八凱則高辛高陽之才子史記

禹契稷世系同所自出孔安國傳書以益為臯陶子臯陶則高陽才子庭堅也周以親親為重武王兄弟九人周公之魯康叔之衛若管若蔡若霍若曹若郕若邾皆列為顯諸侯名畢亦以周同姓為上公一時大臣之子若孫大抵各以其世雖凡民之俊秀論於王朝不過州閭族黨之官出長入治之職如三公呂望六卿蘇公諸侯三恪之外異姓亦鮮矣逮至春秋孔門高弟仕者不過止於家臣一有所進則謂之遠間親新間舊矣周公

諒亦知其未廣也故日夜之所思惟以湯之立賢無方  
為中道今觀商書一則曰敷求哲人二則曰旁招俊乂  
伊尹萊朱巫賢傳說諸大臣非以其親以其賢也主於  
賢則有德是視固不間親主於親則未必皆賢且妨天  
下之賢路矣信矣立賢無方為不易之中道而周公往  
往言之亦未得盡行其志也因表而出之以為世法云

熊去非  
書論

或曰唐虞揖遜傳天下禹德已衰於傳子湯放

桀武王伐紂而論者乃曰堯以是道傳之舜舜以是道

傳之禹禹以是道傳之湯湯以是道傳之文武中道之  
相傳其用何若是之不侔歟曰不然也聖人之道一天  
而已試嘗論之唐虞之時泰和之景象也禹啓之世亨  
通之嘉會也夏商之末造其天時肅殺之秋乎湯武適  
當其時革命之舉不容不順乎天而應乎人矣是故天  
之道生於春長於夏肅殺於秋謂肅殺非天之道不可  
聖人之道揖遜於唐虞家傳於夏禹放伐於商周謂放  
伐非聖人之道亦不可聖人初何嘗容心於其間哉與



時偕行而已布昭聖武之湯即克寬克仁之主我武惟揚之武即作民父母之元后曾謂湯武果有異於堯舜禹之道哉觀四時則知天矣觀天則知聖人矣岐而二

之者非也湯崩太丁未立外丙二年仲壬四年故太甲

立

元年戊申在位三十三年 太丁太子外丙次子仲壬少子伊川程子曰太丁死外丙方二歲仲壬方四

歲故太甲立

太丁之子湯之適孫也伊尹祠于先王奉嗣王

祗見厥祖侯甸羣后咸在百官總己以聽冢宰伊尹乃

明言烈祖之成德以訓于王有伊訓之書太甲既立不

明于德欲敗度縱敗禮伊尹營于桐宮

桐湯葬地名鄭玄云有王離宮

焉密邇先王其訓王祖桐宮居憂三年悔過自怨自艾

處仁遷義伊尹乃以冕服奉王歸于亳還政于王此太

甲三篇之書所以作也太甲由是修德保惠庶民克終

湯業繼以沃丁

太甲子元年辛巳在位二十九年

太庚

沃丁弟元年庚戌在位二十五年

年

小甲

太庚子一作弟元年乙亥在位二十七年

雍己

小甲弟元年壬辰在位十二年

而太

戊立

雍己弟元年甲辰在位七十五年

先是雍己之世商道寢衰諸侯

或不來王至是亳有祥

妖怪也

桑穀共生于朝

二木合生

一暮

大拱

兩手搯之曰拱

伊陟相之

伊尹子

巫咸為佐伊陟曰妖不勝

德君之政其有闕歟大戊於是修先王之政明養老之

禮早朝晏退問疾弔喪三日桑穀枯死三年遠方重譯

至者七十六國殷道復興享國七十五年號曰中宗又

繼以仲丁

太戊子元年己未  
在位一十三年

外壬

仲丁弟元年壬申  
在位一十五年

河

亶甲

外壬弟元年丁亥  
在位九年

祖乙

河亶甲子元年丙申  
在位一十九年

遷都靡定

仲丁自亳遷于囂

或云河南  
教倉是

河亶甲又自囂遷于相

北

地名祖乙又自相遷于耿皆河決之患也祖乙而後祖辛

祖乙子元年乙卯

沃甲

祖辛弟元年辛未  
在位二十五年

祖丁

祖辛子  
元年丙

申在位三十二年

南庚

祖丁弟元年戊辰  
在位二十五年

陽甲

祖丁子元年癸  
已在位七年

而盤庚立

陽甲弟元年庚子  
在位二十八年

自仲丁至陽甲多廢適立

弟爭位相伐亂凡九世諸侯莫朝盤庚初殷道益衰耿

都又有河決之患復欲遷于亳臣民安土重遷盤庚作

書以諭之乃從自湯至盤庚凡五遷盤庚既遷從湯所

都改商曰殷

徙亳殷地故  
改亳今偃師

行湯之政殷道復興小辛

盤庚

弟元年戊辰在位二十一年

小己

小辛弟元年己丑  
在位二十八年

繼之時又不競

武丁立

小乙子元年丁巳在位五十九年

恭默思道夢帝賚良弼以形

旁求于天下說為胥靡築傅岩之野惟肖

傅岩在虞虢界有澗水壞

道常使胥靡刑人築謨道說代築供食築處有窟曰聖人窟今陝州河北縣北七里

爰立作相有

說命之書三篇

上篇記得說命相之辭中篇記說為相進戒之辭下篇記說論學之辭

最

後記說論學之辭諄勤懇切此學之為王者事尤商一

代之家法自成湯學于伊尹以洪其源至傳說相高宗

以浚其流誠有非後世所能及者矣高宗祭成湯有飛

雉升鼎耳而雉祖已訓諸王曰惟先格王正厥事

言至道之

王遭變正其事而灾自消

高宗從之不敢荒寧嘉靖殷邦至于小大

無時或怨

見書高宗彤日篇

三年蠻夷編髮重譯來朝者六國

自是章服多有翟羽

用所貢

既而代荆楚代鬼方僭亂既

夷殷道復興享國五十有九年號曰高宗王崩子祖庚

立

武丁子元年丙辰在位七年

授祖甲

祖庚弟元年癸亥在位三十三年

王少不義

高宗遠之居處困厄不得志作其即位爰知小人之依

能保惠于庶民不敢侮鰥寡又作盤盂諸書以自警戒

二十

自是為康辛

祖甲子元年丙申在位六年

庚丁

康辛弟元年壬寅在位二十一

年 至于武乙

庚丁子元年 亥在位四年

復去亳徙河北恣其無道

為偶人謂之天神與博令人為行神不勝僂辱之又為

革囊盛血仰射之命曰射天獵於河渭之間暴雷震死

由太丁

武乙子元年 卯在位三年

至帝乙

太丁子元年 卯在位三十七年

殷益

衰庶長微子啟賢箕子勸王以為嗣王以其母賤不立

也立適子受辛是為紂

元年丁未在位三十二年 義損善曰紂紂母微時生啟為

后生紂一說太史爭之 曰有妻子不可立妻子

資辯捷疾材力過人手格猛獸

智足以拒諫言足以飾非播棄黎老昵比罪人為天下

逋逃主聚淵藪乃夷

也平

居弗祀上帝神祇宗廟尚兵百

戰皆克伐有蘇氏獲其女妣已嬖之惟言是用作奇技

淫巧以悅之使師消作新淫之聲北里之舞靡靡之樂

厚賦稅以實鹿臺之財

臺大三里高千尺在朝歌城中

盈鉅橋之粟

鉅橋

倉名廣沙丘苑臺以酒為池縣肉為林縱男女保逐其間

為長夜之飲作炮烙之刑

膏銅柱下加炭令罪人行輒墮炭中妣已笑

取妣

已笑樂劓孕婦斮朝脛醢九侯脯鄂侯囚周侯於羑里

三侯為三公九侯進好女不喜淫殺之醢其父鄂侯爭之遭脯西伯歎崇侯以告囚之河內羑里城周臣



進美女奇物善馬得釋更賜弓矢斧鉞專征伐為西伯

西伯卒子發立

紂十七年癸亥命文王為西伯三十三年己巳文王沒武王嗣西伯位

時

紂惡不悛微子去之以存宗祀比干諫而剖心箕子佯

狂為囚奴周西伯發於是帥諸侯伐紂戰于牧野紂前

徒倒戈攻于後以北奔鹿臺衣寶玉自焚西伯誅紂及

妲己天下歸周矣胡氏曰堯舜與賢三王與嫡亦以聖

人不世出賢德無以大相過即定於與嫡所以一民心

重天下也然大君人命所係興亡之本聖人有權焉未

嘗執一也是以武王雖弟上承文王之命而終不釋為君帝乙亦賢君也泥於立嫡而不知紂之足以亡天下也亦不知變之過矣使帝乙而知是道商之卜世猶未可知也雖然商亡矣而人心風俗猶有可得而言者蓋天下治亂係風俗風俗之媿惡係人心三代固皆有道之長也而商之一代風俗為最媿每讀商書至終篇紂之七三仁寧死寧遜寧佯狂為奴所以自靖自獻者不敢有一毫負先王之心伯夷扣馬一諫凜凜乎萬世君

臣之大義雖聖人復起不可易也或言微子先抱祭器歸周者非也書所謂我不顧行遯我罔為臣僕者去而避紂昌嘗有去商即周之事哉歸周以全宗祀自是商

亡以後事比干之死固已安之箕子之佯狂意柳宗元

之論亦深有以察乎其心

柳子厚箕子碑云當其周師未至殷祀未殄比干已死微

子已去向使紂惡未稔而自斃武庚念亂以圖存國無其人誰與興理是故人事之或然者也然則先生隱忍為此其有志於斯乎後來武王下車訪道授聖大法而終不為之

臣朝鮮長往用廣宗祀此其志何如哉不但是也當時

為商之臣若民者大率有不肯臣周之心大誥洛誥多方多士諸篇班班可睹雖周人目之為頑在商則不失其為義矣陳同父所謂歷三紀而後世變風移蓋當康王之世歸周且四十年壯者已老老者已死其逋播遺黎真是至死不貳要亦可見商家一代之人心風俗矣夏末之前聞也周平王以後奄奄如一疋羸病廢之人畧無能出一匕強劑以起其生者則所謂養成一代之人心風俗有王者作誠不可以已也

熊去非  
書論

商有天下

共二十八君六百四十四年

按經世書起  
乙未終戊寅

史纂通要卷二

欽定四庫全書

史纂通要卷三

元 胡一桂 撰

周

周武王姓姬名發以木德王

家語

都鎬京

鎬長安縣屬永興軍武王即位

十三年滅商是為元年已卯在位七年

周之先棄為之祖母曰姜嫄為帝

嚳元妃生棄好稼穡堯舉為農師封邠舜命為后稷周

自后稷以農事開國公劉克篤前烈

后稷生不窋夏政衰棄稷不務不窋

失其官奔戎狄間不密生鞠鞠  
生公劉公劉復修后稷之業

慶節國於豳

與邠同今  
幽州公劉

生慶節慶節生皇僕皇僕生差弗差弗生毀隄毀隄  
生公非公非生高圉高圉生亞圉亞圉生公叔祖類太

王去豳邑于岐山之下居焉故號曰周實肇基王迹

公叔

祖類生古公亶父即太王有狄難去豳居岐山豳人  
從之太王乃貶戎狄之俗營城郭室屋為邑別居之王

娶于齊曰太姜

有郕  
氏女

美而賢生三子曰太伯仲雍季歷

季歷天性恭順友愛采雉娶于摯曰太任亦有賢行生  
聖子昌太王欲立季歷以傳之昌王薨太伯仲雍承父  
志逃之荆蠻斷髮文身以示不可復用國人於是奉季



歷為嗣孔子曰太伯其可謂至德也已矣三以天下讓

民無德而稱焉蓋謂是也

祖甲時

王季既立有謀能斷守

正而和照臨無蔽勤施無私順以事上比以親民慶賞

刑威政自己出四鄰咸服焉

祖甲至帝乙時

王薨

壽一百歲

文王昌

嗣位大勸農桑乃正經界定井田以為徹法耕者九一

一大一婦受田百畝為一井其方一里以百畝為公田八家皆私百畝同養公田是為徹法

仕者世

祿闕市譏而不征澤梁無禁罪人不孥鰥寡孤獨窮而

無告之民文王發政施仁必先斯四者又禮下賢人太

顛闕天散宜生鬻子辛甲南宮括之徒皆來歸時文王  
為三公紂為不道醢九侯脯鄂侯文王竊歎宗侯虎以  
告紂囚之羑里文王乃取包羲氏易六十四卦次序而  
演之作為卦下之辭以垂世立教孔子曰易之興也其  
當殷之末世周之盛德即當文王與紂之事耶是故其  
辭危危者使平易者使傾其道甚大百物不廢懼以終  
始其要無咎此之謂易之道也既而得釋賜以弓矢為  
殷西伯于時西有昆夷之患北有獫狁之難文王以天

子之命命將帥遣戍役以守衛中國呂望時已八十餘

聞西伯善養老歸于周釣于渭文王出獵載以歸尊為

太公任以大司馬虞芮之君爭田而質厥成

虞芮久爭質於周入

境耕者讓畔行者讓路入朝士讓為大夫大夫讓為卿二君慙曰我等小人不可履君子之庭乃相讓以所爭

田為開田

天下聞而歸之者四十餘國於是道化所被者益

廣矣既而伐犬戎伐密須

姑姓國

敗者國伐預

音于

伐崇

崇侯

虎而作豐邑自岐徙豐三分天下有其二以服事殷孔

子曰周之德其可謂至德也已矣史乃謂其陰行善諸

侯皆來決平毋乃以小人之心度君子之腹者乎惡嘗  
讀周頌至太王實始剪商讀魯論至文王三分天下有  
其二未嘗不慨後之論者皆不能不以辭害意也何以  
言之太王蓋當祖甲之時去高宗中興未遠也後一百  
有六年殷始亡且武王十三年以前尚無非事商之心  
則剪商之云太王非但不出之於其口亦決不萌之於  
其心特以其有賢子聖孫有傳立之志于以望其國祚  
之綿洪焉爾豈有一毫覬覦之私心哉議者乃謂太王

有是心太伯不從遂逃荆蠻則是太王固已嘗形之於  
言矣夫以唐高祖尚能駭世民之言曾謂太王之賢反  
不逮之乎詩稱實始剪商特謂王季文王之立由於太  
王以至武王有天下推原其故則剪商實自太王始爾  
非謂太王真有剪商之心也至於文王三分有二之說  
夫文王雖大聖諸侯也紂雖下愚天子也安得以諸侯  
而有天子三分有二之天下哉縱使果有之以紂之暴  
惡肯容之乎以崇侯虎之鷙害乃不譖毀之乎此必無

之事也而夫子有是言者特以文王之聖道化所及極其形容之廣云爾豈謂天下三分有二之版圖誠歸之於周哉且以虞芮一質成之後歸文王者四十餘國四十國之疆土未必為文王有而四十國之諸侯四十國之人心則歸文王矣蓋至於武王孟津之會諸侯不期而集者八百國豈八百國之疆土人民先為武王有哉亦心悅誠服而趨之者如歸市爾文武之心蓋有推之而不能去逃之而不能免者矣如必曰太王實始剪商

必曰文王三分天下有其二聖賢立言之意胥失之矣

請得以暴白二王之心於千百載之上者

此段與熊去非講明得之

文王薨武王立

紂二十四年即位  
增文王為西伯

太公為師周公為輔

召公畢公之徒左右王師九年戡黎祖伊恐奔告于紂

曰天既訖我殷命惟王淫戲用自絕故天棄我紂曰我

生不有命在天祖伊反曰乃罪多參在上乃能責命于

天蓋有以知殷之必亡矣

見書西伯戡黎篇戡黎多指  
文王大紀稱紂三十二年西

伯發戡黎蔡氏書傳亦  
有或曰稱武王之說

十有三年春大會于孟津

孟地名津

渡處在河內孟州河陽縣

誓友邦冢若御士庶士

泰誓上篇

惟戊午

蔡氏曰一

月二十八日

王次于河朔

北河

羣后以師畢會王乃徇師而誓

泰誓中篇

時厥明

戊午明曰

大巡六師明誓衆士

泰誓下篇

甲子昧爽

蔡氏曰二月四日

王朝至于商郊牧野乃誓

有牧誓臨戰

誓衆紂率其

旅若林

七十萬人

會于牧野固有敵于我師前徒倒戈攻于

後以北血流漂杵

倒戈自戮

於是殺紂以成革命之功

見武成篇

乃還歸在豐踐天子位南面朝諸侯改正朔以建子之

月為歲首始稱年與民更始乃反商政政由舊釋箕子



囚封比干墓式商容間散鹿臺之財發鉅橋之粟大賚于四海而萬姓悅服於是大建公侯於天下封黃帝後於祝封堯後於薊封舜後胡公媯滿於陳以胡公之父虞闕父嘗為周陶正賴其器用妻以元女大姬分以肅慎氏楛矢以備三恪復封夏後東婁公於杞封紂子武庚於殷用其禮樂作賓王家皆為上公是為二王之後封神農後於焦封太公望於齊周公旦於魯召公奭於燕庶叔高於畢皆留相周封叔鮮於管叔度於蔡叔處

於霍以監殷以殷餘民封康叔於朝歌國號衛封叔振

鐸於曹叔武於邲季載於邲

左傳作冊

封庶弟叔繡於滕叔

鄭於毛又封諸叔于邲于雍于原于邠于鄆號仲虢叔

為文王卿士勲在王室藏於盟府仲封西虢

故夏墟

叔封

東虢

都制

封太伯仲雍後周章為吳伯復封章弟為虞仲

於故夏墟初太伯仲雍奔荆楚荆人義之從者曰眾東至海上得千餘家自立國號句吳太伯薨無子仲雍嗣

為吳君武王使求其後得仲雍曾孫周章世君吳矣因封曰吳伯云云

封少昊裔茲與於

莒封祝融安期裔挾於邾封四岳姜姓文叔於許封仲

虺弟雍滑後於薛新受封者八百國兄弟之君十有五

人同姓者四十餘人

並見大紀

以兼制天下

按當時有越禹按少康庶子封

會稽迄于周末

後又迹箕子所之東至朝鮮

夷地

就而封之焉不

惟是也大之為洪範之陳而萬世彝倫之道明

王訪于箕子箕

子陳洪範之書

次之為丹書之戒而敬怠義欲之辨著

王問尚父黃帝

高陽之道對曰在丹書曰敬勝怠者吉怠勝敬者滅義勝欲者從欲勝義者凶王曰善哉退而銘其席鑑盥盤

楹杖帶

織之為九府圜法之立而泉貨之利通

大紀唐虞夏商

以珠玉為上帶次金帛三等赤黃白赤為上帶銅鐵為下幣名曰泉後轉曰錢尚父立圜法輕重以錄通九府

之皆九府東南西北東  
南西南東北西北中

報本反始則崇追王祭祀之禮

五舉胡氏曰武王定天下命周公制禮追王大王王季  
文王上祀先公以天子之禮先公之於先王雖有遠近

侯王之制皆吾祖也  
故一事以天子之禮垂裕後昆則立教世子之法大紀

初學周公以為世子則無為也先世子法於伯禽使與  
世子居處出入欲令世子知君臣長幼之道也世子有

過則撻伯禽所以示  
世子以世子之道也至於建官則惟賢也位事則惟能

也重民五教而食喪祭之加謹惇信明義而崇德報功

之兼盡此其所以垂拱而天下治本書武成篇尚何難之有

武王崩成王誦立

武王十一年十三即位元年  
成王在位三十七年壽五十

周公應

問無窮引之以道太公誠立而敢斷輔善而相義以充  
大其志召公廉潔而切直匡過而諫邪以矯拂其行史  
佚博聞彊記敏給而善詞以承救其遺忘王雖童蒙而  
四臣維之故朝廷無過事于時周公以太師位冢宰正  
百工管叔自以年長而周公居中專政已與二叔監殷  
屏棄居外羣叔乃流言於國曰公將不利於孺子挺動  
武庚連淮奄以叛召公不悅周公遂有君奭之書周公  
乃告二公

召公  
畢公

曰我之弗辟

音

我無以告我先王於是

決策東征委召公畢公以內事帥師而東作大誥周公  
居東二年勞來殷民固守其所三監淮夷欲西不得西  
欲戰不得戰黨與日離乃致辟管叔于商囚蔡叔于郭  
林以車七乘降霍叔于庶人黜殷命殺武庚命微子啟  
代殷後而外變弭寧矣

史記周公既承王命誅武庚乃命殷王元子啟代殷後奉其先

祀作微子之命以申之國于宋啟史記作開

或曰金縢所謂流言不過羣叔

播為中傷之言所謂我之弗辟

音避

居東二年乃是周公

避之而居東所謂罪人斯得則周公居東之後王始知

流言之為管蔡也于後管叔懷流言之罪挾武庚以叛而後誅之耳豈有兄弟之間方聽道塗之言而遽欲致辟之乎曰不然也曷不證之蔡仲之命乎亦惟曰羣叔流言即接以致辟之辭矣曰流言者特徵其辭耳三監武庚之叛固已在其中矣蓋當是時成王以幼沖而撫新造之邦流言之變危急存亡之所繫周公以身佩安危之寄擔當重任撫幾不發大事去矣故寧不顧兄弟之親不恤天下後世之議已事蓋有重於此者所以即

形為我之弗辟音闕我無以告我先王之言而居東二年

罪人斯得即東征致辟之事也況謂之曰罪人以其煽

亂王室而聲其罪耳豈流言僅及周公而遽以罪加之

乎由是觀之此為何時尚可從容二年之避乎吾知公

必不然矣

此段能去非  
講明之意

但外變雖寧而王猶有疑周公

之心故周公居東取易三百八十四爻而繫之以辭以

承文考之志進退存亡不失其正之理籌之熟矣又為

鷓鴣詩以貽王王亦未敢誚公秋大熟未穫天大雷電



以風偃禾拔木王啟金縢之書將卜天變乃得周公代

武王之說

初武王有疾周公  
祝請以身代納金縢

王執書泣曰其勿穆卜

昔公勤勞王家予沖人弗及知今天動威以彰周公之

德惟朕小子其新逆

新當作親  
逆迎也

王出郊天雨反風禾起

歲熟乃歸周公于東公是以有東山之詩厥後周公從

王東狩伐淮夷遂踐奄肅慎來賀亦以三監之變至此

而後事之首末俱定也周公復位冢宰握髮吐哺以下

白屋之士由是盡知天下賢才之淹滯者獄訟之失情

者飢寒之無告者諸侯來朝各告戒之皆曰明哉周公  
何知我之悉乎大紀交趾之南越裳氏重三譯而來朝有

曰天無烈風淫雨海不揚波三年矣意者中國有聖人  
乎是以來朝觀此則知周公盛德之感格道化之漸被

可見也

越裳獻白雉曰天無烈風云云使者迷歸路周公作指南車導之期年至其國

初武王

謂周公曰洛汭延于伊汭其地四平我南望三塗北望  
嶽鄙顧瞻有河伊洛天室宜營周居爾其成之於是成  
王將宅洛邑居九鼎乃命太保先至洛卜宅作台誥周

公繼之作洛誥乃營洛邑為王城而郊廓之鼎以定營成周

於東郊而殷民之頑以化

名誥洛誥多士所由作初武王克商遷九鼎洛邑欲都洛未果成王

成武王之志命召公相宅周公經營建都洛邑營洛有二所  
渥水西建都居九鼎稱郊廓下世三十卜年七百又稱東都  
又稱王城取中土四方道里均渥水東遷殷頑民稱成周又  
稱東郊取密通王室循服其心成王寔都鎬特來往朝諸侯  
祀清廟於洛

成明堂以朝諸侯

明堂成周公朝諸侯於明堂以碩度量

制周禮以定

百王之大法

周禮儀禮二書周公所作

作武樂以象武王之伐功至是周

公攝政蓋七年矣乃歸政於王王猶命周公分正東郊而有

多士之書

周公以王命作誥殷遺多士

于後又作無逸立政以戒成王公沒

經世書丙戌周公沒

王在位尚二十七年讀周官之書則知成王設官分

職之有倫朝覲巡狩之有法讀君陳之書則知成王命君陳

以尹茲東郊拳拳不忘殷民之化至於作德日休故典在

德兩言則又二篇中切要之論此固成王學力之到

而實周公造就之妙歟成王時諸侯分封命宋後殷

外命微子啟奉殷祀已注見前

同姓有唐

成王弟叔虞史記五年王與叔虞削桐葉為珪戲封

史佚曰天子無戲言遂封堯墟曰唐侯後號晉春秋時始大

有蔡

蔡叔子蔡仲有蔡仲之命異姓

有熊繹之楚焉

繹祝融後姓芊音靡當熊子事文王成王時繹以先人功封夷王時借稱王

康王釗立

釗音昭成王于元年癸亥在位二十六年

太保奭為伯彤伯畢公

衛侯毛公師氏虎臣百尹御事咸受顧命

有顧命篇

康王既

尸天子位誥諸侯太保率西方諸侯入應門左畢公率

東方諸侯入應門右皆再拜稽首曰今王敬之哉張皇

六師無壞我高祖寡命王若曰庶邦侯甸男衛予一人

釗報誥昔君文武建侯樹屏在我後之人雖爾身在外

乃心罔不在王室用奉恤厥若無遺鞠子羞羣公皆聽

命

見康王之誥

又冊命畢公以成周之衆保釐東郊

見畢命王

克遵洪業敬恭神人四夷賓服海內晏然百姓興於禮  
義囹圄空虛成康之際天下安寧刑措不用者四十餘  
年有唐虞之風焉

史書

吁文武成康父子祖孫聖賢相繼

者二百餘年後世謂泰和在唐虞成周宇宙間真元會

合之運亘千古而再見者歟

增廣通略

昭王瑕立

康王子元年己丑在

位五十一

王在位久不能彊於政治風化稍衰時月有光

五色貫紫微井水溢楚人不朝王南征返濟漢漢濱人

濟以膠船中流膠液王及祭公皆溺死

祭畿內國周公之後為王卿士

見左穆王滿立

昭王于五十即位元年  
庚辰在位五十五年

初年舉用賢才

命君牙為大司徒作君牙有曰心之憂危若蹈虎尾涉  
于春冰命伯冏為大僕正作冏命有曰怵惕惟厲中夜  
以興思免厥愆于時王心未肆也迨夫將征犬戎祭公  
謀父諫曰先王耀德不觀兵有威讓之令有文告之辭  
又不至則增修於德無勤民於遠不聽遂征之得四白  
狼四白鹿以歸由是荒服不至諸侯有不睦者周德始  
衰繼又東巡至鄭大駑之谷

駑音

起春宵宮集諸方士

言神仙事造父得驥騮騏驎馮駮耳八駿馬獻王王

喜欲周行天下以求神仙於是西巡樂而忘返作白雲

黃竹之歌天下愁怨潢池之東徐偃嬴姓修飾仁義諸侯

多歸之者僭稱王王聞之馳歸造父為御起諸侯師與

荆楚合攻徐破之偃王走死賜造父趙城為趙氏造父

嬴廉別子季勝之後

未幾王又欲出遊祭公謀父作祈招之詩以

風王

詩曰祈招之惜惜式昭德音思我王度式如玉式如金形民之力而無醉飽之心

王感而

止命修辭令以懷諸侯以柔四夷周室再安末年王在



位久教化衰刑罰繁思有以清之此呂刑之書所以作也胡氏曰穆王耄荒德雖下衰然能曲盡典獄之情偽以訓戒天下後世其仁民之意厚矣孔子所以有取也

亦不得中行而與之故思狂狷之意歟共王緊扈

穆王子元

年乙亥在位十二年

遊於涇上密康公從受三女之奔其母曰必

致之王夫獸三為羣人三為衆女三為粲粲美物也而何德以堪之王猶不堪况爾之小醜乎康公不獻一年

王滅密

史記密姬姓國

女色之傾人國固如此夫懿王薨立

共王

子元年丁亥在位二十五年

時王室始衰徙都槐里

漢地理志京兆郡槐里縣京兆

故長安縣也鎬在長安南二十里槐里相近王暫居之非遷居槐里一名犬丘

孝王辟方

共王弟元

年壬子在位十五年

惡來之後有非子者好馬善養息之王命主

馬汧渭之間馬大蕃息王邑之秦封為附庸使續伯益

後號秦子時大電江漢冰牛馬死愚謂當羸秦始封之

世而災異之見殺氣若茲履霜之象已兆於此矣天道

之倚伏可畏也哉夷王變立

懿王子元年丁卯在位十六年

覲禮不明

王始下堂而見諸侯綱常自此紊矣時荆熊繹五世孫

熊渠甚得江漢民和西伐庸東侵揚粵僭立三子為王

立其長子康中子江少子執疵皆為王

衛康公七世孫頃公首壞王制并

邶鄘之地

按朱子謂衛不知何時并得邶鄘之地而胡氏大紀謂頃公時不知何據姑從之

孟

子曰天無二日民無二王孔子曰天下無道禮樂征伐

自諸侯出况滅人之國而有之乎斯二者皆陵遲解紐

之事何夷王之不能問也可為三歎息者矣厲王胡立

夷王子元年癸未在位十七年并共和三十一年

而詩之變雅始作

民勞板蕩等

時

榮夷公好專利有寵於王大夫芮良夫諫曰夫利百物

之所生也天地之所載也王人者將導利而布之上下使神人百物無不得極猶曰怵惕懼怨之來也今王學專利其可乎匹夫專利猶謂之盜王而行之其歸鮮矣榮公若用周必敗也不聽卒以為卿士用事政益暴虐四夷交侵荆楚寇南獫狁寇北淮夷寇東征斂數起虐用其民民不堪命聚而謗王得衛巫衛國之巫使監謗以告輒殺國人莫敢言道路以目王喜告召公曰吾能弭謗矣召公曰是障之也防民之口甚於防川川壅而潰傷人必多民亦如

之故為水者決之使導為民者宣之使言王不聽三年

民不堪命作亂流王于彘

晉地汾水之上  
河東永安也

太子靖匿召

公家國人聞而圍之召公以其子代之得免二相周公

召公

周召之後相周  
通號周公召公

和協共理國事號稱共和共和十

四年

始庚申  
終癸酉

王崩于彘二相奉太子靖即位是為宣王

元年甲戌在  
位四十六年

周召為輔王承衰亂之後旱灾知懼側身

修行以銷天變

見雲  
漢詩

任賢使能興衰撥亂有山甫以補

衮職之闕

仲山甫樊侯  
也見豎民詩

有申伯以蕃四國之難

申姜姓  
國見嵩

詩命召公平淮夷

召穆公見江漢詩

吉甫伐玁狁

尹吉甫見六月詩

方

叔征蠻荆

方叔卿士見采芑詩大紀云時荆楚強盛方叔征之楚震恐去王號

故能復文

武之境土會諸侯於東都而周室中興焉况當是時內

有姜后之賢脫簪珥以諫所以輔成早朝晏罷勤於政

事者多矣

王嘗晏起后脫簪珥待罪永巷以諫自是早朝晏罷見後漢皇后傳

惜乎籍田

不修號公徒諫

不修篇於千畝號文公諫云人之大事在農上帝棗盛所出人之供給所取不

聽見戰千畝而料民

國語西河界休縣地名千畝敗于姜氏之戎既喪師乃料民大原仲

聽注簡料其數多寡

殺杜伯非其罪

將殺其臣杜伯而非其罪伯之友左

儒爭不聽  
儒亦死之

祈父白駒黃鳥之詩

變小雅

終不能免詩人之

刺則當時司馬之職非人賢者之去欲留不可末年生

民蓋有失其所者矣惜哉宣王時始封其庶弟友於鄭

是為鄭桓公幽王宮涅

宣王于元年庚申在位十一年

沈湎淫佚讒諛

並進賊斂煩重百姓愁怨不以禮信待諸侯賞罰不當

諸侯怨叛涇渭洛三川震

常昭曰鎬京地震故三川動

伯陽父曰伊

洛竭而夏亡河竭而商亡山崩川竭亡國之證

伯陽父周大夫

注禹都陽城伊洛所經商都渭河水所經

未幾三川竭岐山崩初王娶于申

生太子宜白後嬖褒姒生伯服又濟以號石父之諛佞

石父為卿

與褒姒諧申后及太子宜白王廢后太子而以褒

姒為后伯服為太子褒姒驕恣王惑之詩人知其必亡

刺之曰燎之方揚寧或滅之赫赫宗周褒姒滅之

初夏之衰

有二龍止王庭言曰余褒之二君夏后卜請蓀藏之吉

蓀龍吐沫也龍立蓀在積厯夏商不敢發厲王未發之

蓀流于庭王使婦人保諫化玄龜入後宮童妾遭之孕

生子棄之宣王時童謡壓弧箕服實亡周國有夫婦鬻

是器者王使執之逃見棄女收之奔褒姒人有微入女

贖罪幽王入後宮取璧之生伯服以出褒號褒姒龜蜥

蜥麋弧弓箕

木名服夫房

宜白奔申王求殺之申不與王伐申申侯



與繒人召西夷犬戎攻王王舉烽火徵兵莫至

初犬戎  
荐侵王

都始為烽燧徵兵備不虞王寵褒如甚欲褒如笑萬方  
不笑為舉烽火諸侯至無寇乃大笑王悅數舉其後不

信諸侯  
不至

遂殺王驪山下虜褒如立伯服為王盡取周賂

而去

史記

而西周遂亡論者曰幽王以妾為妻以孽代宗

父子夫婦之間綱常滅矣欲不亡得乎

增廣  
通略

當是時鄭

伯友死於戰秦襄公帥師救周力戰破戎衛侯和從晉

侯仇合諸侯師擊戎逐之黜伯服鄭世子掘突武公收父

散兵從諸侯東迎故太子

宜白


於申歸而立之

大紀

是為平

王而周轍遂東矣

平王東遷洛邑之王城即  
周公定鼎之所是為東都



史纂通要卷三

欽定四庫全書

史部  
史纂通要卷五  
四

詳校官國子監司業臣納麟寶

編修臣程嘉謨覆勘

總校官檢討臣何思鈞

校對官編修臣裴謙

謄錄監生臣曾興宗

欽定四庫全書

史纂通要卷四

元 胡一桂 撰

周 下

平王宜臼立東遷洛陽是為東周

元年辛未在位五十一年

王命晉

文侯為侯伯賚以秬鬯弓矢賜以河內附庸晉於是始  
大初使命秦襄公曰戎無道侵奪我岐豐秦能逐戎即  
有其地至是襄公乘勝取之而西周畿內八百里之地

盡為秦有是舉周家興王基業一轉而為秦矣又始封

襄公為諸侯

賜爵為伯

留衛武公于周以輔政公是年九十

五謚鄭伯友曰桓公召掘突入為司徒東遷以後政令

不行於天下衰弱與諸侯等故孔子刪詩降黍離於國

風

黍離以下其詩不能復雅謂之王國變風

定書終於文侯之命作春秋起

於魯隱公之元年而托始於平王其以是夫

隱公元年平王四十

九年也初成王封周公子伯禽為魯侯至隱公十三君

公惠公庶子名息姑惠公初愛少子立為太子公薨國

人不與

立隱公

胡氏曰幽王無道雖天下所不與其見殺於犬

戎則天下所不忍而平王乃其子也所宜坐薪嘗膽養  
民訓兵帥天下諸侯披其巢穴誅其宗種復居鎬京繼  
迹文武成康蓋前人之愆則可謂人子矣愚觀其命秦  
晉之詞語平而不切志舒而不慘忘不共戴天之讎輕  
棄舊都以西事委之於秦而即安於洛邑亡三綱矣夫  
子定書而取文侯之命何哉平王雖不自飭勵而晉侯  
不失蕃宣之道逐西戎黜伯服扶立冢嗣號令天下莫  
敢不從使平王稍有仁心義氣而輔以晉文衛武則周

室中興矣。聖人之心廣道大，權輕重不失毫釐，是以深  
取晉文而於平王猶有望也。及其末年怠惰放縱，不可  
救藥，日以衰微，名號雖存，其實與杞宋等矣。聖人據事  
實本天道而作春秋，固非衆人之所識也。愚謂平王不  
但無仁心義氣而已，今觀其遣戍母家，中此揚之水所  
以作也。王風朱文公之論曰：申侯與犬戎弑幽王，乃王  
法必誅不赦之賊，平王與其臣子不共戴天之讎也。今  
平王知有母而不知有父，知其立己之為有德而不知

其弑父之為可怨至使復讎討賊之師反為報施酬恩之舉則其忘親逆理而得罪於天已甚矣平菴項氏曰自天理觀之則申侯為平王不共戴天之讎自平王觀之則申侯乃其賈充成濟也

事見後曹魏高貴鄉公

其戍之宜矣

愚亦曰自幽王觀之則平王真所謂亂臣賊子無復人心天理之存者矣夫子刪詩而存揚之水其刺之也固宜由是論之則春秋托始於平王可以深長思矣王崩

桓王林立

平王孫太子之子太子死立林元年壬戌在位二十三年

周之東遷晉鄭



馬依平王時鄭武公莊公為王朝卿士

宣王始封其弟友於鄭伯爵子

武公掘突武公子莊公寤生

王欲畀虢公政

西虢公亦仕王朝畀政不專任鄭伯

鄭伯

怨王王曰無之於是周鄭交質

王子狐質鄭公子忽質周

繼又交

惡

王崩周人將畀虢公政夏鄭伯帥師取溫之麥秋入取成周之禾

至是繻

音需

葛一戰

祝聃射王中肩

王奪鄭伯政鄭不朝王伐鄭左隱三年桓五年

東周之衰決於

此鄭伯無君之罪實為首惡其能逃萬世之誅乎杜氏

乃謂鄭志在苟免王伐之為非

杜預注

是誠何見哉莊王

佗

桓王子元年乙酉在位十五年

十二年齊小白歸國是為桓公用管

仲為相卒霸諸侯

小白齊桓公名  
事見後齊國

胡氏曰齊桓公所以

有始而無終者大本不正也使齊桓果有匡天下之志而不求自利則管子者天下之才也當以見諸天王上言文武之勤中述成康之盛下陳今日之衰微蓋自幽王滅于西戎秦人力戰取豐鎬平王東遷于成周虞虢魏芮皆畿內諸侯乘亂各據土宇王畿中斷無西偏矣使齊桓管仲入贊于天王匡正畿甸以脩王畧謹五禮以齊諸侯整六軍以膺戎狄則周室赫然中興而王化

行矣惜乎齊桓管仲不知出此而溺於飲宴衽席之間

也

桓公三夫人王姬徐姬蔡姬無子而內實多嬖寵故也

釐王

一作倍

胡齊

莊王子元年庚

子在位五年

時桓公會北杏

齊地

以平宋亂滅遂

巳亥宋大夫南宮萬弑閔

公庚辰會遂不至故滅之

會魯于柯而不渝曹沫之盟

庚子會柯將盟曹沫以匕

首劫桓公返魯侵地公許之後悔管仲謂不可棄信於諸侯遂與沫三敗所亡地于魯沫音昧

一再會

郵

音絹一音真衛地辛丑壬寅兩會而宋始服

而齊始霸謂其始為諸侯長

也

左莊十四年

胡氏曰

文定公

春秋之世以諸侯主天下盟會

自北杏始其後晉文秦穆宋襄楚莊交主夏盟跡此而

為之者也惠王閔立

僖王于元年乙巳在位二十五年

有子頹之亂王

奔溫居鄭之櫟

鄭大

鄭伯虢公帥師殺子頹奉王歸周

初莊王欲立少子頹不克惠王即位奪其大臣為國園取邊伯宮丙午邊伯為國等五大夫怨王作亂奉頹伐王王奔遂召燕衛立頹鄭伯見虢叔請納王虢叔殺頹及五大夫見左氏史記王賜桓公為侯

伯且謀伐衛以其立子頹也

甲寅

是年桓公與諸侯盟于

幽

宋公魯侯陳侯鄭伯同盟

齊定令關市五十而征一賦祿以粟

田稅上年什取三中年什二下年什一大凶不稅其或

饑饉則弛而稅令諸侯必足三年之食以其餘脩兵革

不足者助之發齊於是霸公喜曰孤之有管仲猶鴻之

有翼也號曰仲父其後公城衛于楚丘

辛酉狄滅衛懿公死衛遺民立

戴公廬于曹

遷邢于夷儀

壬戌狄伐邢公與諸侯救之邢潰圍出合兵逐狄遂遷邢

諸侯誅哀姜以寧魯難

魯莊公薨其弟季友立公愛于班慶父亦公弟與夫人哀姜通

城邢 班立姜娣子開後又弑開而自立姜皆與謀季友遂立公少子申殺慶父桓公以姜亂魯取于邢而誅之

盟召陵而禮荆楚

乙丑以九國師伐楚責包茅不貢師進次陘楚使屈完如師師退次召陵

楚服而禮之也屈完及諸侯盟召陵潁川縣

盟首止以定周太子之位

王以后愛

子帶故將廢太子鄭管仲請桓公帥諸侯告王請與太子會太子必無害矣丙寅遂帥諸侯會太子于首止之

也盟甯母而不乘鄭人之釁戊辰伐鄭以逃首止之盟也鄭太子華聽命於會言

於公許以鄭為內臣公以有釁欲從之管仲諫止華歸得罪鄭伯始請盟于齊服故也皆王之世

馬襄王鄭立惠王子元年庚午在位三十三年時桓公有葵丘之會庚午

盟諸侯葵丘王使宰孔致胙命管夷吾平戎于王初惠王欲立少子帶廢太子鄭齊會

首止定之壬申帶怨不得立召戎伐周癸酉王討于帶子帶奔齊公遂使夷吾平戎于王王饗以上卿禮夷吾

辭受下卿禮還帥諸侯師城緣陵而遷杞甲戌淮夷病杞公會諸侯謀救杞丁丑遷

緣陵緣陵其後又征諸侯戍周以舒戎難丁丑王告難故明年而

公卒戊寅于時秦穆公亦已兩平晉難立晉君穆公惠王未年壬戌

即位襄王三十一年庚子卒凡三十九年初晉獻公因驪姬之譖殺太子申生重耳奔蒲夷吾奔屈公卒里克殺姬子奚齊荀息立姬娣所生卓子里克殺之庚午穆公納夷吾是為惠公乙酉納重耳是為文公

晉文

公始返國矣

乙酉返國癸巳卒凡九年

王有叔帶之亂奔鄭告急于

晉文公率諸侯納王誅叔帶王饗醴

禮有饗有燕饗有體薦燕有折俎饗

之以大禮而又為之設醴酒此威禮也

命之侑

侑以幣帛

請隧

王之葬禮掘地通道曰隧

弗

許曰王章也與之陽樊温原攢茅之田

周之南陽地

其後遂

有河陽之狩王賜文公為侯伯然以臣召君文公此舉

於是乎不可為訓矣

初鄭怨王與衛滑伐滑王使人助衛請滑鄭執之王怒乙酉以狄伐

鄭遂以狄女隗氏為后子帶通馬王出后帶以狄伐周  
王春鄭狄立帶為王丙戌文公納王誅帶已丑文公敗

楚師于城濮作王宮于河陽踐土召王獻楚俘諸侯畢  
朝春狄諱之書曰天王出狩于河陽河陽晉溫地踐土

鄭河襄王之元年即宋襄公之元年也襄公庚午即位  
甲申卒凡十五

年公雖以霸稱僅有立齊孝公一事為可取耳已卯率  
諸侯伐

齊送齊太子昭立之是為孝公頃壬臣襄王子元年癸卯在位六年匡王班頃王子元

年已酉在至定王瑜匡王弟元年乙卯在位二十一年時楚莊始霸頃王

六年即位至定王十六年庚午卒凡二十三年楚本子爵夷王世已僭稱王至

是伐陸渾之戎陸渾縣屬弘農郡次維觀兵周郊王使王孫滿



勞師楚子問鼎之大小輕重對曰在德不在鼎周德雖

衰天命未改鼎之輕重未可問也楚子慙懼而退乙卯蓋

嘗夷考五霸迭興始於莊王十二年丙申齊桓公入國至

定王之十六年庚午楚莊卒而五霸之業終蓋歷七王九

十五年於此矣齊桓晉文功在王室秦穆定晉君至再

已而伐晉伐戎以成霸業丙子伐晉獲惠公丁酉伐晉晉不出封穀尸而還伐戎伐

戎王益國十二閭地十里末乃收其賢臣以從死公卒葬雍從死者有七十人三良與

馬其不得為諸侯盟主固宜史記楚莊初滅庸以自豐庚戌

至窺周而問鼎已而伐鄭伐陳伐宋殆無虛日

丙辰以後伐鄭

凡五庚申癸亥伐陳乙丑伐宋明年與宋平

宋襄智畧不如桓文彊暴不如

秦楚而興師乃不禽二毛不鼓不成列區區以姑息為

仁義而不能舒喪師之戚孟之會見辱於楚

壬午公求霸業求諸

侯于楚楚與諸侯會孟宋地楚執公以伐宋已而釋之

泓之戰卒殞其軀

癸未公伐鄭楚

伐宋救鄭戰于泓公傷股國人皆咎公公曰君子不重傷不禽二毛

皆自取也雖然五霸

莫如桓文矣孰優曰晉文公譎而不正

如丙戌襄王與原田不服脅以

兵謀知將降故退一舍又如己丑分曹衛田以速楚戰又退三舍以避子玉之類

齊桓公正而

不諂

如伐楚責包茅不入王祭不供仗義執言不由諂道

孔子已嘗言之又曰桓

公九合諸侯不以兵車管仲之力也如其仁如其仁又

曰管仲相桓公霸諸侯一匡天下民到于今受其賜微

管仲吾其被髮左衽矣

語憲問篇

所以大管仲之功者如此

其至然終不能免小器之譏以其徒知挾天子以令諸

侯區區為霸齊之舉而非有尊王明義之誠心其器量

不足稱也不然管仲死桓公薨何至五公子爭立天下

遽不復宗齊乎

戊寅公與管仲屬公子昭於宋襄公以爲太子鄭姬所生即孝公也五公子謂

長衛姬生無虧少衛姬生元即惠公葛贏生湣即昭公  
宋姬生商人即懿公宋華子生公子雍是也爭立大亂  
數世諸姬即內嬖如夫人者六人也噫謂仲為天下之才桓公不以贊天

子使王化得行者亦未為篤論矣簡王夷立

定王子在年丙子在

位十年繼以靈王泄心

簡王子在位二十七年

二十一年庚戌

冬十一月庚子孔子生

生於魯昌平鄉陬邑

魯襄公之二十二年

也至敬王時為魯大司寇相定公會齊侯于夾谷齊人

歸魯侵疆

辛丑時年五十二  
侵疆鄆龜陰也

繼使仲由為季氏宰墮三

都

費邱成

收其甲兵

癸卯

及攝行相事

乙巳

七日而誅少正卯

與聞國政三月魯國大治真儒之效方少見而齊人歸

女樂沮之於是去魯奔走宋衛陳蔡之間及歸魯年已

六十八矣

哀公十一年丁巳

魯終不能用乃叙書傳禮記

有杞宋損

益從周

刪詩正樂

有魯太師及樂正語

繫易作春秋實紹伏羲堯

舜禹湯文武周公以來之道統傳之萬世嗚呼盛哉宰

我曰以予觀於夫子賢於堯舜遠矣予貢曰見其禮而

知其政聞其樂而知其德由百世之後等百世之王莫

之能違也自生民以來未有夫子也有若曰豈惟民哉

麒麟之於走獸鳳凰之於飛鳥太山之於丘垤河海之於行潦類也聖人之於民亦類也出於其類拔乎其萃

自生民以來未有盛於孔子也景王貴

靈王子元年丁巳在位二十五

年敬王勾

景王子元年壬午在位四十四年

有子朝之亂至再皆賴晉

而後定

子朝景王長庶子愛欲立之會崩國人立長子猛子朝攻殺猛是為悼王晉頃公攻子朝立敬

王猛母弟也子朝奔楚十六年子朝之徒復亂敬王奔晉十七年晉定公入王于周

時晉六卿彊

公室卑矣而頃公定公猶兩平王室之亂為可嘉也三

十九年

庚申

魯哀公之十四年公西狩獲麟孔子作春秋

所感而起故所以為終也越明年壬戌夏四月乙丑孔

子卒

壽七十三

而左傳實終於哀公二十七年

癸酉即貞韓定王元年

趙魏滅智伯之事焉敬王世曹滅於宋

甲寅

陳滅於楚

癸亥

元王仁

敬王子元年丙寅在位六年

越句踐伐吳圍之大敗吳師吳

王夫差棲姑蘇山使大夫肉袒膝行請成于越曰意者

亦欲如會稽之赦孤臣之罪乎句踐不忍欲許之范蠡

曰會稽之事天以越賜吳吳不取今天以吳賜越越其

可逆天乎范蠡乃鼓進兵使者泣而去吳王自殺遂滅

吳句踐乃以兵北渡淮與齊晉諸侯會徐州致貢于周

天子賜胙命為伯諸侯畢賀

初景王二十六年吳敗越夫椒乘勝入越越王以甲

楸五千搜會稽卑辭乞成于吳吳許越平事見吳國越王嘗膽刻廟至是修怨滅吳

太史公曰禹

之功大矣漸九川定九州至于今諸夏乂安及苗裔句

踐苦身焦思終滅彊吳北觀兵中國以尊周室號稱霸

王句踐可不謂賢哉蓋有禹之遺烈焉范蠡二遷皆有

榮名名垂後世臣主若此欲無顯得乎

史記

貞定王介立

元王子元年壬申在位二十八年

初晉有智氏趙氏韓氏魏氏范氏中



行氏為六卿六卿彊專權弗能制智伯既與韓趙魏滅

范氏中行氏而分其地

癸未

又約韓魏共伐趙三年不克

趙襄子使人告韓魏反共攻智伯滅之而與趙共分其

地

丙戌

蔡於王之時亦為楚所滅

甲午

王崩三子爭位相伐

卒歸於考王嵬

貞定王子元年庚子在位十六年初貞定王崩太子去疾立是為哀王三月弟

叔襲殺去疾自立是為思王五月少弟嵬殺叔自立是為考王也

王封其弟子河南是

為桓公以續周公官職桓公卒子威公立威公卒子惠

公立惠公乃封其少子於鞏以奉王號東周惠公

史記

而

東西周之稱又起於此

索隱曰惠公立長子曰西周公又封少子於鞏仍襲父號曰東周惠

公於是又稱東西二周也按世本西周桓公名揭居河南東周惠公名班居洛陽是也復齋胡氏曰其後揭浞而長子成公襲有其地小子班專制洛陽兄弟角立史冊逸其世數名氏至赧王三十四年楚謀入寇王使東周君諭止之蓋班之後也至赧王八秦秦遷西周公於巽狐聚而河南亡莊襄元年遷東周君於陽人聚而洛陽之鞏

威烈王午立

考王子元年丙辰在位二十四年

二十三年

戊寅九鼎

震始命晉大夫魏斯趙籍韓虔為諸侯

斯文侯籍烈侯虔景侯

初

考王元年晉幽公立土地所存惟絳曲沃二邑餘皆為

三家所有公畏其彊反朝于三家王不能討至此乃命

為諸侯司馬氏通鑑

名光神宗朝作資治通鑑

續左氏為編年而托

始於韓趙魏之事誠以名分所繫不容不論而議之也

故其言曰幽厲之後周道日衰然文武之祀猶綿綿相屬

者以子孫尚能守其名分故也今晉大夫暴滅其君

剖分晉國天子既不能討又使列為諸侯是區區之名

分復不能守而并棄之也卒使天下以智力相雄長聖

賢之後為諸侯者社稷無不泯絕生民之類糜滅幾盡

豈不哀哉可謂至論矣自是安王驕立

威烈王于元年庚辰在位二十

六年齊田和遷其君康公於海上食一城以奉先祀庚寅王

又不能討反命和為諸侯

壬辰田和會魏文侯及楚衛于濁澤求為諸侯文侯為請

於王及諸侯許之乙未乃命和為諸侯

後七年康公薨田氏遂并齊而有

之壬寅夫固有以啓之也厥後有齊者田姓而姜氏之齊

亡

初陳公子完得罪奔齊桓公為工正更姓田氏子孫咸多敬王三十九年田恒弑齊簡公其子盤號襄子

相齊與三晉通至是奄有其國未幾韓趙魏亦共廢晉靖公為家人分

其地而晉亡

乙巳烈王喜立

安王子元年丙午在位七年

齊威王來朝

王是時周室微弱諸侯莫朝而齊獨朝天下以此益賢

威王威王封即墨大夫烹阿大夫於是羣臣聳懼莫敢

飾詐務盡其情齊國大治彊於天下

辛亥王召即墨大夫曰子居即墨毀

言日至吾使人視田野闢人民給東方以寧是子不事吾左右求助也封之萬家邑召阿大夫曰子守阿魯言日至吾使人視田野不闢人民貧餒趙攻鄆子不救衛取薛陵子不知是子厚幣事吾左右求助也遂烹阿大

夫及左右

王初年韓滅鄭併其國因徙都之

丙午顯王扁

常譽者

烈王弟元年癸丑在位四十八年

在位四十八年間秦發殺機斬首之

數自石門龍賈始

丁巳秦敗韓趙魏兵石門斬首六萬王賜以黼黻之服庚寅惠文王虜魏

將龍賈斬首八萬

孫臏龐涓俱學兵法仕齊仕魏自相刃靡

初孫

龐俱學兵法涓為魏將自知不及贖召至則其足黥之  
齊使至魏載之齊威王以為師十五年魏惠王伐趙齊  
救趙用贖計敗魏二十八年魏龐涓  
伐韓齊救韓用贖計夜殺涓于馬陵

衛公孫鞅以刑名

之學入秦

八年鞅入秦三十一年孝公卒惠文王誅鞅

鄭申不害以黃老之

學入韓

十八年鄭賤臣申不害以黃老刑名之學干昭侯用為相凡十五年終其身國治兵彊

蘇

秦張儀俱事鬼谷先生

王

學從橫之術秦為從約長并

相齊楚燕趙韓魏

佩六國相印

其後張儀相魏又割上郡十

五縣以賂秦

三十六年以後秦洛陽人儀魏人秦主從合六國以攻秦儀主橫離六國以事秦

孟嘗君以賤妾之子侗饒智術散財養士食客常數

千人盜虛名以重天下

四十八年齊封田嬰於薛號靖郭君子田文嗣薛公號孟嘗君

而鄒人孟軻不遠千里乃以儒術見魏惠王談仁義於

刑名功利戰鬪之世

三十二年

固宜圓鑿方枘而難入也斯

無庸論矣獨惟當時事體有可恨者三晉之彊也不以

其道立為諸侯是非所當立而立威烈既失之於前三

晉既侯石門之戰秦特以諸侯伐諸侯何功之有乃賜

黼黻之服是非所當賜而賜顯王復失之於後周之政

刑至是無復有存焉者矣

此一節本林氏之論

故宜日趨於弱致

昨

九年致文武昨孝公  
三十五年致昨惠公

致伯

二十六年致伯孝公

賀即位

三十三年賀惠

文王

以養成彊秦虎狼之暴故末年敢於僭王而無忌憚

四十四年惠文始僭稱王

諸侯皆從而效之矣

韓魏齊趙  
逆皆稱王

尚何言哉

是時楚殺越王無疆越始散服於楚而國亡

四十五年慎觀

王定

顯王子元年辛丑在位六年

時楚趙魏韓燕同伐秦秦人開關

函谷

延敵五國之師皆敗走

癸卯

明年蘇秦死齊

齊大夫與秦爭寵刺

殺之

張儀遂說魏請成于秦秦與韓趙戰勝

甲辰斬首八萬

而燕

王噲又自以其國與子之而國內大亂矣

乙巳子之相燕噲老屬國



子之願為臣至赧王初年齊臨子之殺會三年燕人立太子平是為昭王

二年孟軻去魏適

齊夫孟子自顯王三十三年至魏

魏都大梁故亦稱梁

至是魏君

鑿卒去魏適齊逮夫赧王元年復去齊今觀其見魏惠

而進仁義之說見魏襄而陳不嗜殺之說亦意梁之可

與有為也奈何以為迂闊於事情於是絕望於梁而適

齊因宣王一牛之不忍啓之以王道井田學校與民同

樂歷歷為王言之蓋以三代教養之道望其君也王不

能用於是浩然出晝退述堯舜孔子之道而著作焉

胡初

翁成性  
史評

嗚呼文武成康遺澤竭王道不行於天下而孔

孟生於春秋戰國者天也困厄其身彌昌其道寧病聖

賢不病萬世亦天也詎容以一時之遇不過計哉赧王

延立

慎觀王于元年丁未  
在位五十九年

東西周分治

索隱曰王赧微弱  
東西周分王正理

各居一都故曰東西周  
高誘曰西周王城今河南東周鞏今成周洛陽也

王徙都西周

自洛陽徙

南蓋以微弱不能主盟會武公馬依

武公西周君

寄空名於

諸侯之上者五十有九年當時自秦楚齊趙魏韓燕七

疆國外僅存魯衛宋中山

乙亥宋滅見下魯至秦莊襄壬子滅衛至秦二世滅

秦

雖尤彊而六國亦非小弱也張儀雖說楚韓齊趙燕事

秦歸報未至而秦惠王已薨

庚戌

明年而儀亦物故矣宋

王偃以雀生麟史占必霸天下遂滅滕伐薛敗齊楚魏

乃射天笞地斬焚社稷自速滅亡

乙亥齊湣王與魏楚滅之

齊湣王

滅宋而驕乃南侵楚西侵三晉欲并二周為天子

丙子卒

敗死於燕樂毅

諸侯害齊之驕暴爭合謀丁丑燕樂毅并將秦魏韓趙兵伐齊大敗之湣王走

莒楚使淖齒弑之燕六月間下齊七十餘城

斯無庸論矣趙武靈王變胡服

習騎射制林胡滅中山

甲寅秦昭襄立其年武靈變服壬戌破中山

大啓土

宇藺相如叱彊秦於澠池之會

壬戌秦昭襄會趙王澠池趙王為鼓瑟相如請

秦王擊缶不肯相如張目叱秦王左右王為一擊缶

馬服君

趙奢所封

敗秦將於闕與

音預之圍

辛卯趙惠大時

斯亦彊矣秦之所陵者楚所侵者韓魏

耳

注見秦昭襄王下

自趙輕受韓上黨之歸

已亥秦白起伐韓拔野王上黨路絕

上黨太守徑以地歸趙受之丁丑秦拔上黨而民皆走趙趙廉頗軍長平按據上黨民

誤以趙括

代廉頗之將長平之師一喪上黨竟為秦有

范雎使人反間謂廉

頗易與且降矣秦獨畏馬服君子趙括耳遂以括代頗將其年秦白起竟攻殺括坑降卒四十餘萬趙人大震

上黨者天下之脊也既為秦有韓必折而歸之六國其

將焉往

此本陳  
瑩中論

於是秦圍趙邯鄲歲餘幾不得脫賴楚

魏來救解圍

壬寅

末年

乙巳

秦取韓陽城負黍

陽城有  
負黍聚

取趙

二十五縣王恐與諸侯約從攻秦令毋得通陽城秦怒

使將軍摎攻西周王奔秦頓首受罪盡獻其邑三十六

王還周崩秦取九鼎寶器而遷西周公

索隱武公  
子文公

於罍

狐

愚音憚 愚狐聚與  
陽人聚在洛陽南

後七歲

壬子

東周君與諸侯謀伐秦

秦莊襄使相國呂不韋滅東西周二周皆入秦秦與周

君以陽人聚奉祀而周遂亡

聚在河南梁縣徐廣曰周  
比亡時凡七縣河南洛陽

穀城平陰隄  
師鞏候氏也

愚觀戰國以來功利之習壞爛人心君臣

大義漸滅殆盡無復有存焉者六國非特坐視周室之

亡而莫之救如齊湣楚襄蓄無王之心久矣

甲申湣王  
欲并二周

見前戊子楚襄王欲與齊韓共伐秦  
因欲圖周王使東周君諭之乃止

特顧其力有所不

瞻耳豈惟秦哉而當時之士如蘇秦張儀公孫衍

號犀  
首

蘇代蘇厲樓緩之徒不足論也樂毅廉頗藺相如趙奢

亦未易以責備也賈誼稱齊有孟嘗

田文趙有平原  
武靈  
王弟

勝楚有春申

黃歇

魏有信陵

公子無忌

此四君者皆明智而忠

信寬厚而愛人尊賢而重士然孟嘗君嘗入相秦僅以

雞鳴狗盜之客脫身逃難

癸亥秦昭襄聞君賢請以為相或問之王曰君欲殺之君

求解於秦幸姬姬請狐白裘已獻王客為狗盜盜裘獻姬姬言於王遣之至閭王悔追之秦法雞鳴出客客有

善為雞鳴者野雞聞之皆鳴乃得脫歸

平原君得毛遂合從於楚

癸卯秦王齧圍

趙邯鄲君求救於楚約客文武備者二十人俱得十九人毛遂自薦卒能說楚王定從救趙

因婦媿

緣於魏

君娶魏女公子無忌也君求救魏謂無忌曰縱輕勝棄之獨不念公子姊耶

倖致春

申信陵二君以存趙

楚使黃歇無忌遂益晉師兵符勒兵以救趙

而二君者

雖能出身以遣楚太子之歸

史記春申君與頃襄王太子完質於秦數年王病恐

不起請太子亟歸秦不許遂謀還太子與使者俱亡雖身自守舍以死當之太子亡歸竟得立秦亦不殺歌

能接巖穴隱者得侯生毛公薛公之力

史記信陵君得夷門監者侯嬴

計盜晉鄙兵符勒兵救趙又得毛公薛公勸云秦攻魏急而公子不歸便秦破大梁夷先王宗廟公子何面目

立天下乎公子遂趨駕歸救魏而周亡亦無一能倡大義於天下僅有

魯仲連義不帝秦負當世高士重名

秦圍邯鄲魏使新垣衍令趙帝秦以

說秦解圍齊人魯仲連適遊趙折行云帝秦則連有蹈東海死耳吾不忍為之民也

亦初非為尊

周使當時之士有如三老董公之遮說當時之君有如

漢王三軍縞素為王報發喪為天下誅無道秦名其為



賊敵乃可服齊桓晉文之事寧不可復見於今日何計  
不出此顧乃區區欲與秦鬪智角力卒之賓服恐後以  
待滅亡之不暇可痛也哉迹周自武王至幽王十二世  
都鎬是為西周自平王至赧王二十三世都洛是為東  
周東周至考王子以後又  
自有東西二周之分平王以後春秋時也威烈王  
後戰國時也增廣  
通略蓋嘗論之西都自涇舟膠楚澤下堂  
見諸侯綱常陵遲已為春秋之漸東都自春秋已來弱  
不可支猶幸五霸挾天子以令諸侯尚寄空名於天下

然孺葛倒懸已為戰國之漸戰國首命韓趙魏為諸侯  
綱常道盡矣於是七雄競彊蘇秦張儀肆從橫之術從  
者猶知合六國以抗秦橫者甘於事秦而不恥事秦者  
固不知有周抗秦者不過自為亦豈復知有周哉雖然  
儀秦不足論管仲以其君霸猶不能免小器之譏此東  
周之不可復西亦猶戰國之不可復春秋五霸三王之  
罪人於儀秦乎何誅又嘗合三代論之三代之王有天  
下一千九百六十九年何聖賢之君無幾夏有禹啓少

康商有成湯太甲太戊盤庚武丁周有武王成王康王  
宣王外無聞焉然後之言治者以三代為稱首魏魏皇  
皇卓冠千古而莫及者禹湯文武以聖王之道立經陳  
紀創法定制其尤卓卓然者如井田封建學校兵師之  
要靡不備具而又固結之以仁維持之以禮端本洪源  
自足與天無極故其後世子孫非有剛惡如桀紂幽厲  
之暴非有柔惡如王赧之衰皆足以世守之而勿失也  
豈偶然哉周自武王有天下至赧王凡三十五王

哀王  
思王

在八百六十七年

按通鑑起己卯終乙巳以秦昭襄王五十二年丙午接周統經世書同

南宮氏曰周自武王至東周君滅而周始亡于秦

蓋於秦莊

襄元年壬子滅東周君始書秦則周實計八百七十三年

斯實錄也後有秉春秋之

筆者蓋改而正諸

按文公綱目於秦昭襄丙午以後與六國皆分書直至始皇二十六年庚

辰并天下方大書但東周亡於壬子未之論也

史纂通要卷四